

李

詩

選

註

李詩選註三卷辨疑二卷

附刊本

温州泉清蕩湯南來諫選註姪守仁校刊

按陳子居佐守仁守后鴈蕩之南郭曰蕩南隱注李白集并標為辨疑其加靖回夫其志心序云范傳正
李詩林林甚多碑載各集于卷得之文士與官家族編續此節至西子園序有注集三卷曰七百若于何屬今乃有卷千
言屬宋徽宗之志廢也傳正之和平年作碑主曰范傳正五年宋改三編律與簡則已不能無誤况徽宗去傳正又二
百年更荒亂而廢言什而安歷宋為白作是疑也乃取湯家注覽之款旁引曲證以所改而西其非真偽
往其真辨疑今初示著如宋子釋經例先敘各義次述樂考徵實辨與曰燭世原曰艾辨疑則取仲仲東也
煩復者指備映敷而雪洗以復其理之序將沒封匡厥子守宜保守堂字為後之至中知温州府慈溪縣又
因故從子崑山刻於郡城橋並加序首

李詩選註辯疑序

賜進士中憲大夫知温州府前監察御史發覺山濶垣撰
詩也者其樂之權輿與樂之相宣貴情也是故
詩以情出而情以義正夫其正者教之成也其
情出者性之根也非性根則其教也弗行矣其
為樂也弗可聽矣夫子所選三百篇者非教乎
然於夫婦閨門之始父母家室之慶兄弟宴飲
之樂朋友携持之分溫切獨至焉聖人非不欲

離其歌而遠人之私然而有所不可也故曰國
風好色而不淫小雅怨誹而不亂正者不可復
得能得其變而與之此亦君子設教之心太史
公蓋庶乎知之其蕩南朱先生李詩選註辯疑
之謂與昔王定國與顏長道遊泗水登桓山鳴
笛飲酒乘月而歸東坡亦置酒黃樓上以待之
曰李太白死世無此樂三百年矣予老矣不復
作詩蓋白以曠世天才神遊物外腐視妃子水

王璘輩如淖中孤鴻不足以污吾躬故能大肆厥詞而工於言非愛其工於言為其工於情也情至而言出轉喉觸臆不離自性豪而不放淡而愈真不遠夫婦兄弟朋友之常而古今興亡得失之慨湮於中而能達出者無心而聽者乃自得其心於天機之外故其出也超然其聽而感也暢然三百年下風韻如故器亡人存蓋托之好色悲怨而能不淫以及於亂是變風雅之

遺也其不足為教與晦翁嘗評之曰李白詩無法度乃從容於法度之中以為聖於詩者是故里巷之語忌病不聞溢其真矣士君子之言之文理義飾其美矣東坡雅好白詩讀之以意而酷似其人先生謹身砥行與白之狂肆不似而雅好其詩選而註之以義謂其猶有國風里巷之情蓋欲因情飾美以為教非謂三百年無此樂乃謂數百年無此真也真之感人也其非教

之本與然而不主於漢魏何也蘇李曹劉得其
正始世所知也宋齊以降浮淫流佚之聲不可
采矣其不及杜何也體格森然寢寢乎後世之
法律生矣語曰絲不如竹竹不如肉蓋肉漸近
人而肉之真近乎人之心也律漸遠情而情之
反遠乎人之心也夫人心之生與樂聲相為應
感其感者不可知而其感於人也不可知亦以
其情之真者同耳苟得其真而調之則雖絲竹

一偏之音不成於樂亦足以暢人心而解其邪
思此宗工之善也白之詩其絲竹矣昔歐陽永
叔論韓退之聽琴詩為聽琵琶之作東坡疑之
而曲取証於義海且曰世有深於琴者乃能下
之詩疑可無辯乎予不敢然予亦不敢以為不
然予故善先生先生詩有別刻今從子瑤山公
携是卷刻於郡齋郡大夫賜谷崔公蘭窓党公
鵬海郭公三先生復愛而校之其亦宗工錄真

立教之意世方以為知樂云

皆

皇明隆慶歲次壬申秋七月吉日書于紫陽
書院

刻李詩選註辯疑序

賜進士前兵部主事同知郴州事後學天長王心撰

蕩南先生既罷吉安之守致政居家放意山水
多所吟賞考論古今詩人為李詩選註十三卷
辯疑二卷將終之日厥子仕都下乃躬手封識
遺教俾守掌焉蓋平生所注意在此也先生姓
朱諱諫字君佐居鴈蕩山之南號蕩南厥子名
守宣別號靈谷靈谷先生聞父喪奔回奉書號

隕日思所以闡幽繼志經紀弗遑乃嘉靖乙巳
出守郴州積俸閱歲召工鑄黎既成為丙午之
夏心以罪謫適至請得徧讀之乃為之序序曰
心嘗讀古人書見漆園吏謫仙人東坡翁之文
如天馬行空不可施以羈勒信天才所到非學
力可及也莊蘇以論辯李以詩宋人評子瞻有
詩不迨古人之語然則三代而下語詩才惟白
一人而已其曰大雅不作正聲微茫志在刪述

而希聖獲麟則其識見固過人遠甚高視千古
蕭然物表真如秋水夫容不假雕飾其曾度曠
逸有如此者夫識見過人則托意深遠曾度曠
逸則情與自然復有天才罕並則其辭駿發而
超邁格變化而典刑朱子獨稱白聖於詩雖子
美不與焉其諸謂此歟顧其集中多雜以他人
之作嘗考范傳正李翰林新墓碑載文集二十
卷得之文士與其宗族編緝斷簡至曾子固序

白詩集二十卷舊七百若干篇今九百若干篇
宋敏求次道之所廣也傳正元和十二年作碑
去白死纔五十七年爾既云編緝斷簡則已不
能無誤況次道去傳正又二百餘年更五代亂
所廣二百餘篇安在必為白作無疑也吾意泛
采雜收當不止二李之作而已及取諸家註覽
之類旁引曲證少所發明而是非真偽徃徃莫
能辯正每執卷而嘆世無有如紫陽考證韓文

者一辯正之而快我心而審後學今觀先生所
為選註如朱子釋經例先解文義次述興意微
辭與旨燦然明白其辯疑則取舛悖卑陋煩複
如遠別離夜坐吟諸篇指謫疵類皆前人所未
發真能曲暢立言者之本意而雪洗其屬誣之
辱心也往時疑惑一朝披釋不覺冷然快足而
信其嘉惠後學者遠也吾故謂韓文有文公考
異而韓文始信李詩有先生選註辯疑而李詩

始信或曰選註聞命矣辯疑何從質之心曰未
易言也心聞昔人之相馬也告于君曰臣得千
里馬牝而驪既至則牡而黃然馬果千里也是
固有得於牝牡驪黃之外者非心與子之所及
也

時

皇明嘉靖歲旃蒙大荒落月應夷則未伏日

唐李白傳

宋端明殿學士兼翰林侍讀學士龍圖閣學士尚書吏

部侍郎宋初撰

李白字太白興聖皇帝九世孫其先隋末以罪徙西域神龍
初遁還客邑西白之生母夢長庚星因以命之十歲通詩書
既長隱岷山州舉有道不應蘇頲為益州長史見白異之曰
是子天才英特少益以學可比相如然喜縱橫術擊劍為任俠
輕財重施更客任城與孔巢父韓隼裴政張祜明陶沔居徂
徠山日沉飲號竹溪六逸天寶初南入會稽與吳筠善筠被
召故白亦至長安往見賀知章知章見其文歎曰子謫仙人
也言於玄宗召見金鑾殿論當世事奏頌一篇帝賜食親為
調羹有詔供奉翰林白猶與飲徒醉于市帝坐沉香亭意有

所感欲得白樂章召入而白已醉左右以水頰面稍解授筆
成文婉麗精切無留思帝愛其才數宴見白嘗侍帝醉使高
力士脫鞵力士素貴耻之適其詩以激揚貴妃帝欲官白妃
輒沮止白自知不為親近所容益驚放不自修與知章李適
之汝陽王璿崔宗之蘇晉張旭焦遂為酒中八仙人懇求還
山帝賜金放還白浮游四方嘗乘月與崔宗之自采石至金
陵着宮錦袍坐舟中旁若無人安祿山反轉側宿松匡廬間
永王璘辟為府僚佐璘起兵逃還彭澤璘敗當誅初白游并
州見郭子儀奇之子儀嘗犯法白為救免至是子儀請解官
以贖有詔流夜郎會赦還尋陽坐事下獄時宋若思將吳兵
三千赴河南道尋陽釋囚辟為參謀未幾辭職李陽水為當
塗令白依之代宗立以左拾遺召而白已卒年六十餘白晚

好黃老度牛渚磯至姑孰悅謝家青山欲盡焉及卒葬東麓
元和末宣歙觀察使范傳正祭其冢禁樵採訪後裔惟二孫
女嫁為民妻進止仍有風範因泣曰先祖志在青山項葬東
麓非本意傳正為改葬立二碑焉告二女將改妻士族辭以
孤窮失身命也不願更嫁傳正嘉歎復其夫徭役文宗時詔
以白歌詩裴旻劍舞張旭草書為三絕云

李詩選註卷之一

温州樂清蕩南朱諫選註

姪守行校刊

古風小序

古風者效古風人之體而為之辭者也夫十三國之詩為國風謂之風者如物因風之動而有聲而其聲又足以動物也刪後無詩風變為騷漢有五言繼騷而作以其近古故曰古風晉魏再變則又有七言九言或至十一言者及效古擬古等作支流雖異本原則一中唐以下乃以古風為古選七言為古風而又有長短句之不齊曰選者以文選之所集者而言也殊不知選之所集者正古風也七言其餘裔耳安得轉以古風之名而獨加於七言乎體製不

明名義乖舛耳目所膠莫之能究李詩所謂古風者止五
十九章美刺褒貶感發懲創得古風人之意章皆五言從
古體也其歌吟辭謠多七言者不與焉

李詩選註卷之一

古風

其一

大雅久不作吾衰竟誰陳王風委蔓草戰國多荆榛龍虎相啖
食兵戈逮狂秦正聲何微茫哀怨起騷人

賦也雅者正也正樂之歌也雅有大小之殊正小雅燕饗之
樂也正大雅會朝之樂受釐陳戒之辭也風者列國諸侯之
詩也王曰雅諸侯曰風戰國者春秋以後七雄相爭之時也
正聲謂大雅也騷即離騷也○白為古風之詩以敘古今之
治亂文辭之變態及天時人事之不齊諷刺臧否之意寓於
詠歌之間此其首章言文辭也謂夫大雅之詩乃成周盛時
言王者之事自王者之迹熄而大雅之不作亦已久矣今欲

陳其大義而繼其緒餘舍我其誰歟又恐老之日侵而力所不及也周既東遷王室同於諸侯黍離之詩本言王者之事而乃降為國風而雅亡矣逮夫戰國而多荆榛王道淪喪強弱相吞而至於狂秦戰鬪日興上無一王之法下無樂官之陳大雅正聲遂至泯然而無聞矣夫治世之聲和以平亂世之聲哀以怨故王風既微騷辭繼作而多哀怨之聲矣

揚馬激頽波開流蕩無垠廢興雖萬變憲章亦已淪自從建安來綺麗不足珍

揚馬漢之揚雄司馬相如也頽波波流而下頽者也開流導其流也垠岸也無垠言無畔岸也憲章法也即上文所謂大雅正聲也建安東漢獻帝年號曹植王粲應瑒阮瑀陳琳劉楨徐幹等七人辭多綺麗號建安七子○承上言自秦而漢

屈原以下工辭賦者則有司馬相如繼相如者則有蜀之楊
雄皆能激揚騷人之類波開導其下流使之浩蕩無涯茫然
而宏肆也然自秦漢以來其間有廢有興或絕或繼而萬有
不齊雖變態不同要之皆非大雅之正聲先王之憲章至是
淪沒而無聞矣及夫東漢之季去古逾遠七子之作不過綺
麗而已何足貴乎是則文章之衰日趨於陋古作不可復見
矣

聖代復元古垂衣貴清真群才屬休明乘運共躍鱗文質相炳
煥衆星羅秋旻我志在刪述垂輝曠千春希聖如有立絕筆於
獲麟

聖代白自謂當時也元古上古也垂衣者無為之治也易曰
黃帝垂衣裳而天下治清真不雜而無偽也群才謂當時文

士也休明言治教之盛也乘運際休明之時也躍鱗即詩少雅所謂魚躍于淵言周王之作人也炳煥文章貌刪述聖人之事也尚書序孔子刪詩為三百篇述職方以除九丘作春秋而終於西狩獲麟○上言自周至漢文章廢興變態不一大雅之正聲已亡矣其餘文辭雖綺麗不過誇多閎靡非至治大道之所係不足貴也迨至我朝始復古作無為而治貴尚清真適屬休明而群才輩出文章際嘉會之期多士沐作人之効文質彬彬昭若衆星列於秋旻之上光輝發越而人皆仰之我亦得荷於陶鈞將欲垂芳於後世如孔子之作春秋絕筆獲麟成一代之典垂百王之法吾之素志也若夫秦漢以來徒綺麗於文辭者又豈吾志之所存乎

其二

蟾蜍薄太清蝕此瑤臺月圓光虧中天金魄遂淪沒蟬螗入紫微大明夷朝輝浮雲隔兩曜萬象昏陰霏

比也蟾蜍許慎曰蝦蟆也淮南子曰月照天下而食於蟾史記天官書日月薄蝕註云氣往迫之為薄虧毀為蝕太清天也元氣之清者也金魄者月生於西方故曰金魄蟬螗虹也天地之滯氣也紫微帝居也大明日也兩曜日月也萬象萬物也○此詩蓋為明皇廢王皇后而作按唐書皇后王氏帝為臨淄王時聘為妃將清內難預大計後立為后久無子而武妃稍有寵后不平顯詆之帝怒欲廢后后兄守一懼為求厭勝浮屠明悟教祭北斗取霹靂木列天地文及帝諱今佩之曰後有子與則天比事覺帝自劾有狀廢后為庶人王諱作翠羽帳諷帝未幾而后卒後宮思慕之帝亦悔此詩之意

蓋刺之也言蟾蜍薄乎太清而蝕此瑤臺之月則月光虧損
金魄銷鏤遂至於淪沒矣以比衆妾得倖於君漸至奪嫡則
母后寵衰終至於廢棄也夫王者之化自正家始若使賤妾
之垂乎嫡后則天子失王家之道無以成天下之大化是猶
蟬螻入乎紫微日光為之虧損浮雲隔乎兩曜萬象為之昏
蔽也人君之德惡可以不明風化之首惡可以不正乎

蕭蕭長門宮昔是今已非桂蠹花不實天霜下嚴威沉嘆永終
夕感我涕沾衣

長門漢宮名武帝后陳氏以驕妬別在長門司馬相如為作
長門賦以感悟帝后得寵如故桂芳物也以喻后天霜喻君
威也沉嘆者嘆之深也永終夕言久不寐也○承上言王皇
后被諛失寵與漢之陳后事雖相倣而實有不同昔者陳后

以驕妬而見謫今王皇后則撫下有恩後宮無有譖短之者
見唐書似不宜於見彙也然武帝感相如長門之賦而陳后
得寵如故今雖有玉譚翠羽帳之賦帝亦不省則昔者是而
今者非矣辭之桂焉既遭蠹蝕而華不實天又降之以嚴霜
則桂之顛賴者可立而待安得復有生意乎夫后者母儀天
下者也以非罪而見棄終為君德之累吾所以終夕而永嘆
一為之隕涕而沾衣也

其三

秦皇掃六合虎視何眈哉飛劍決浮雲諸侯盡西來明斷自天
啓大畧駕群材收兵鑄金人函谷正東開銘功會稽頌騁望瑯
琊臺

賦也秦皇始皇也掃六合者吞六國而一統也諸侯西來者

六國皆在關東而秦在關西也始皇既并六國收天下兵聚之咸陽鑄為金人十二重各千石函谷關名秦之東關也史記始皇三十七年南巡上會稽祭天地立石頌秦德還過吳後江東渡並海上北至瑯琊東至之罘射殺一巨魚西至平原津而病七月崩于沙丘先以二十八年東行郡縣登瑯琊大樂之留三月徙黔首三萬戶於瑯琊復十三歲作瑯琊臺至三十七年而復登焉回至沙丘而崩○此言始皇之事也言始皇吞滅六國如虎之猛劍決浮雲而兵威無敵關東諸侯皆相率而來朝明斷由乎天啓而非人力之可為大略駕乎群材而顛倒一時之豪傑遂能滅諸侯以成帝業自謂萬世無虞乃收天下之兵鑄為十二金人置之司馬門外面谷東開諸侯相率而西朝坦然無東顧之憂矣於是巡行天下

商登會稽之山刻石以頌功德東至瑯琊之臺遵海以騁夫
遊觀蓋以六合為一家而肆情於盤樂也

刑徒七十萬起土驪山隈尚採不死藥茫然使心哀連弩射海
魚長鯨正崔嵬頷鼻象五嶽揚波噴雲雷鬚髮數青天何由覩
蓬萊徐市載秦女樓船幾時回但見三泉下金棺葬寒灰

驪山始皇必葬之地也在長安城東三十里史記始皇三十
五年徙刑徒七十餘萬治驪山穿三泉發此山石擲徐市齊
人也上書言海中有神山曰蓬萊方丈瀛洲仙人居之請與
童男女求之於是遣市發童男女數千人入海求神仙不死
之藥徐市等入海求神藥數歲不得費多恐誣乃誑曰藥可
得常為大鯨魚所害故不得到耳願請善射者與俱見則以
連弩射之初始皇夢與海神戰如人狀問占夢博士曰海神

不可見以大魚蛟龍為候今上禱祀備護而有此惡神當除去而善神可致乃令入海者齋捕巨魚具而自以連弩候大魚出射之至之罟見巨魚因射殺一魚鯨海魚也大者長數十里小者長數丈徐市樓船即入海而求藥者也三泉驪山下之泉也史記始皇初即位治驪山穿二泉泉下銅而致棺○上言始皇吞六國以成帝業矣此則言其愛長生而求仙也夫貴為天子無欲不遂所以者壽而已矣故始皇既為生前之謀而又為死後之慮使刑徒七十餘萬起土驪山之隈以營石槨圖為不朽仍採不死之藥以求長生然仙洲渺茫仙藥難致傷財害人徒費歲月未先令人之可哀也採藥海中又以巨魚為患則使連弩射之殊不知鯨魚之大長數十里領鼻高如五嶽揚波鼓浪勢若雲雷奮鬣揚鬚上衝霄漢

海道阻塞而仙洲隔絕矣所謂蓬萊者何由得見仙藥何從而致哉徐市樓船逍遙滄海之上又不知何時而得回也藥既不及身亦不保祖龍死於沙丘矣但見驪山之側三泉之下金棺石槨葬於寒灰向求不死今乃一旦溘然而長逝豈不令人可哀也乎

其四

鳳飛九千仞五章備綵珍銜書且虛歸空入周與秦橫絕歷四海所居未得鄰

此也九千仞言其高也五章五綵之文章也綵珍言其綵色之可貴也銜書者呂氏春秋云文王時見大赤鳥銜丹書集周社史記漢高帝為楚歌曰鴻鵠高飛一舉千里羽翼已成橫絕四海○此白託物以自比也言鳳飛于千仞之上身備

五采之章口銜丹書欲呈祥於王者入周秦之郊無有所遇而空歸矣歸又無所棲息乃橫絕於四海翻飛遨遊而又孑然無與為鄰者是猶我之抱藝浪迹四方而不得一有所遇也較之於鳳夫何異乎

吾營紫河車千載落風塵藥物秘海嶽採鉛青溪濱時登大樓山舉手望仙真羽駕滅去影飈車絕迴輪尚恐丹液遲志願不及伸徒霜鏡中髮羞彼鶴上人

河車鍊丹次第之名也抱朴子曰丹砂可為金河車可作銀紫河車有五色曰紫曰白曰青曰赤赤者曰黃芽藥物修鍊之資也庾仲雍荊州記曰臨沮縣有青溪山山東有泉泉側有道士精舍鉛亦藥物也大樓山在宣州近秋浦羽駕乘鶴也飈車御風也丹液還丹金液也抱朴子曰考文視之方

莫不以還丹金液為大要丹乃液之已成液乃丹之未堅者也○承上言我之周流四方既無所遇矣於是退而為修鍊之術然猶未免落於風塵之中藥物秘於海嶽遠而不可得也乃採鉛於青溪之濱鉛亦藥物之一品青溪地近採之或可得耳青溪東行抵于宣城大樓之山亦仙人之所棲者我將從之以與相親但見其駕鸞鶴御鸞輪飄然而遠去又不可得而親矣來往風塵歲月云邁而丹砂未就仍恐此志不及一伸蹉跎髮白誠有愧於鶴背之仙人耳

樵李何處開此花非我春唯應清都境長與韓衆親

樵李喻當時之榮貴者清都帝居也韓衆仙人也神仙傳劉根初學道至華山見一人乘白鹿後十餘玉女根稽首乞一言神人曰爾聞有韓衆否曰聞之曰我是也○承上言入周

秦而空歸絕四海而無鄰彼富貴者皆與我而相違矣辟之
批李雖有艷陽之色亦不知開於何人之家皆非為我之春
也富貴既不可求不如從吾所好吾將入於清都之境挾辟
仙以遨遊長與韓衆而相親安可以丹液之遲半道而自廢
乎

其五

太白何蒼蒼、星辰上森列去天三百里邈爾與世絕中有綠髮
翁披雲卧松雪不笑亦不語冥棲在巖穴

賦也太白山名在鳳翔郿縣去長安三百里俗云武功太白
去天三百天謂天子所在也錄異記金星之精墜於漢南圭
峯之西號為太白其精化為白石邈遠也綠髮者髮老不白
轉而為綠仙人之髮也○此亦遊仙之詩言太白之山高接

星辰去天不遠雖在平地絕與世隔中有綠髮之仙貌若少年之子披雲而卧雪不笑而不語窈然養真棲于此山

我來逢真人長跪問寶訣粲然啓玉齒授以鍊藥說銘骨傳其語竦身已電滅仰望不可及蒼然五情熱吾將營丹砂永與世人別

真人者許慎云真德之人也即上文所謂綠髮翁也粲然見齒貌蒼然猶茫然也五情五內之情也○言綠髮之翁乃真人也我來太白山中遇此真人因長跪致敬以求長生之訣幸真人之不我棄粲然啓齒而授我以鍊藥之方我當銘骨佩服而不敢忘也授受既畢真人又將舍我而去矣竦身輕舉倏如電滅引首望之遠不可及徒爾熱中從之雖無由學之或可至也吾以所授之訣營丹砂之藥庶可從真飛昇永

與世人而相別矣

其六

岱馬不思越越禽不戀燕情性有所習土風固其然

比也岱北嶽也越在南而燕在北土風者五方之風氣也○此詩蓋為當時之戍邊者而言既拂其所習之性又掩其敵愾之功乃譏之也夫岱馬生於北方踐霜雪耐苦寒唯知岱之為岱而不思夫越也越禽生於南方處卑濕耐溽暑唯知越之為越而不戀夫燕也物之情性各有所習五方風氣之不齊南北既殊強弱亦異烏可盡比而同之邪苟違其所習而處非其地則身心不安而災害生矣矧以華夏之民戍於腥羶之域又烏能得其歡心而致其死力乎

昔別鴈門關今戍龍庭前驚沙亂海日飛雪迷胡天蟻風生虎

鷗心翫遂旌旃

鴈門山在代州漢書秦築長城置鴈門郡唐地理志代州有鴈門關龍庭單于祭天之所也鷗勇雉也其關無已一死乃止趙武靈王為冠以表武士東漢輿服志虎賁羽林皆鷗冠東都賦云虎夫戴鷗故曰虎鷗周司常云折羽為旌通帛曰旃○此狀邊戍之勞苦也言昔者戍於鴈門之關猶在中國之境今則別鴈門而遠戍於龍庭去國萬里深入虜疆但見驚沙亂乎海日而飛雪暗乎胡天虎鷗救壞生蟻虱矣旌旗飛揚心魂為之而怖蕩也邊戍之苦有如此夫

苦戰功不賞忠誠難可宣誰憐李飛將白首沒三邊

宣陳也飛將李廣也三邊者中國之直北東北西北皆與匈奴界也○承上言邊戍勞苦如此雖有克敵之功不蒙朝廷

之賞然臣子之懷忠誠者又將何所陳其力哉昔者李廣之
守北平匈奴號為飛將軍避之數歲不敢入界勞苦而功高
如此然亦不得封侯卒以後期自刎而死誰復有憐之者乎
是於士卒既拂其性於將帥又昧其功以此而望攘夷安邊
何可得哉

其七

客有鶴上仙飛飛凌太清揚言碧雲裏自道安期名兩兩白玉
童雛吹紫鸞笙去影忽不見回風送天聲

賦也劉向列仙傳安期生瑯琊阜鄉人賣藥東海邊時人皆
言為千歲翁回風風之轉也天聲者天上之聲也太清註見
二首下○此亦遊仙之辭言仙人之憑虛御風遊于太清之
上自道姓名曰我是安期生也仙童吹笙以相從但聞笙聲

隨風回轉自天而下仙人去影不可得而見矣

舉手遠望之飄然若流星頤食金光草壽與天齊傾

金光草即金明草仙藥也廣異記謝元卿至東嶽夫人所居
見有異草葉如芭蕉花正黃色光可鑑入曰金明草○言仙
人之凌乎太清也舉手望之有若流星迅速閃爍莫能為狀
飄然遠逝可望而不可扳也仙人不可見矣惟願得其仙藥
所謂金光草與我食之使我之壽與天同傾我即鶴背之仙
矣○按遊仙之作古有此體自郭景純以下詩家者流皆好
言之而白最多且深白嘗有志於此故言之親切而有味也

其八

咸陽二三月官柳黃金枝綠幘誰家子賣珠輕薄兒日暮醉酒
歸白馬驕且馳意氣人所仰冶遊方及時

賦也咸陽秦所建都之地即漢之長安也在今陝西京兆府
宮柳宮中之柳也賣珠兒董偃也漢書武帝姑館陶公主年
五十而寡居近幸董偃幼時與母以賣珠為業出入王家
十八而冠出則執轡入則侍內號曰董君一日帝以錢千萬
就主家飲後數日上臨公主園中主自宰執道帝入坐未定
帝曰請謁主人翁主乃下階去簪珥徒跣頓首謝自引董君
董君綠幘傳辭隨主前伏階下主乃贊館陶公主庖人臣偃
昧死再拜謁因叩頭謝詔賜衣冠上偃起走就衣冠主自奉
食進觴飲大歡樂於是董君貴寵天下莫不聞治天也冶遊
妖冶而遊樂也○疑此詩為刺當時之佞倖者言咸陽帝都
之內陽春之時宮柳初生彼戴綠幘而嬉遊者誰氏之子乎
乃賣珠者之輕薄兒漢董偃之徒也身叨嬖倖驟得一時之

富貴飲酒至暮既醉乃歸身騎駿馬驕而且嘶意氣洋洋而自得市井之人皆仰視之彼綠幘者方且自以冶遊之及時也

子雲不曉事晚獻長楊辭賦達身已老草玄髮若絲投閣良可嘆但為此輩嗤

楊雄字子雲博學尚辭賦漢成帝時除為郎給事黃門從上行幸河東校獵過射熊館上長楊賦以風帝時丁傅董賢用事諸附離之者或起家至二千石雄貧居草太玄有以自守泊如也人皆忽之惟劉歆及范滂敬焉及王莽篡位歆子棻等以符命繫獄辭連雄使者來欲收雄時校書天祿閣懼不免乃從閣上自投下幾死此輩謂綠幘之徒也○夫枉已而早遇者當時以為曉事之人則守已而晚窮者以為愚矣

如楊子雲之居貧草太玄及至晚年乃獻長楊之賦以取功名之成而身已老矣何其不曉事之甚邪居官不久而又投閣以死尤為可嘆豈不為綠幘之徒所哂乎彼綠幘者少年蒙倖自為得志宜乎以迂儒之晚遇為哂也

其九

莊周夢蝴蝶蝴蝶為莊周一體更變易萬事良悠々乃知蓬萊水復作清淺流

賦也莊子云昔周夢為蝴蝶栩栩然蝴蝶也不知周之夢為蝴蝶歟蝴蝶之夢為周歟周與蝴蝶則必有辨矣神仙傳曰麻姑云自接待以來見東海三為菜田今到蓬萊水又淺於往矣豈將復為陵陸乎○此詩言古今事變而富貴無常夫莊周夢為蝴蝶而蝴蝶化為莊周人之一身尚有變易如此

而况身外事乎故萬事之悠悠者其變更不一又不可得而度也以此推之雖天地山川亦有遷改乃知蓬萊之水固有清淺之日矣不足怪也况於塵世之區々者乎

青門種瓜人舊日東陵侯富貴故如此營々何所求

青門秦之東門也邵平秦故東陵侯秦破為布衣種瓜長安城東門五色皆美時謂東陵瓜○言古今之更變如此則知富貴之無常矣今日青門種瓜之人乃是昔日東陵之侯也以百里之侯封轉為匹夫之瓜畦富貴之不足恃是亦一大夢也彼營々者亦何所求哉

其十

齊有個儻生魯連特高妙明月出海底一朝開光耀

賦也魯仲連齊人也個儻不羈也明月珠也張景陽詩魚目

笑明月註云明月寶珠出海底○此白詠魯仲連也言齊國有一士倜儻不羈者魯仲連也為人特然高妙出於稠人之上固非勢利之所能拘者譬如明月之珠出於海底一朝開發其光輝則有昭然而不可掩者矣

却秦振英聲後世仰末照意輕千金贈顧向平原笑

英聲美名也末照餘輝也史記仲連遊趙會秦伐趙聞魏將欲尊秦為帝使客新垣衍說趙仲連見新垣衍曰彼秦者棄禮義尚首功之國也即肆然帝天下則連有蹈東海而死耳衍曰秦稱帝之害何如連曰秦無已而帝則且變易諸侯之大臣而將軍何得故寵於梁乎於是衍起拜曰先生天下士也吾不敢復言帝秦矣秦軍聞之為却五十里平原君欲封連不受乃置酒以千金為壽連笑曰所貴於天下士者為

人排患解難釋紛亂而無取也遂辭去逃之海上終身不復見○言仲連之倜儻高妙者以不苟仕而苟取也却秦解圍而有芳聲餘光照乎後世而人皆仰之輕千金而不受顧平原而一笑雖有救人之功不肯受人之賞此所以振芳聲而有餘光也所謂倜儻高妙者豈易及乎

吾亦澹蕩人拂衣可同調

澹蕩無欲也亦不羈之意拂衣振衣以相從也左傳對向云拂衣相從調樂調也同調者謂音律之相叶也○上言仲連為人尚義輕利而有節此則白自言願學之也我亦澹蕩之人於勢利無所嗜好聞仲連之風即欲拂衣以相從期與異世而同調惜乎時不我知徒託空言已矣○按白欲慕仲連之為人連不貪而白多欲連不污於亂世而白喪身於邪

臣連與白似有間矣迹雖相仿而實不同也

其十一

黃河走東溟白日落西海逝川與流光飄忽不相待

賦也黃河註見二卷公無渡河下○此詩言時日易邁當求為長生之術也水東流而日西沉曾無一息之停皆忽然而逝不為我而少留者可不思所以自處乎

春容舍我去秋髮已衰改人生非松柏年貌豈長在吾當乘雲螭吸景駐光彩

春容少年之容也秋髮老髮也年貌年歲與容貌也螭龍也廣雅云有角曰虬龍無角曰螭龍景日月之光也光彩顏色好也○承上言水流而不息日運而不已則壯顏既衰而白髮又生矣人無松柏之姿年貌豈得以長好乎所以我欲

求為長生之術乘此雲螭以采日月之精庶幾駐容顏長生而難老也

其十二

松栢本孤直難為桃李類

比也孤不群也直不屈也○此詩言君子之高尚其志而不屈身於富貴也松栢之資本自孤直豈能為桃李之嬌媚而有可悅者乎是以松栢不變而桃李易衰也辭之君子正直不阿不為小人邪媚之態宜君子之難合而小人之易投也昭々嚴子陵垂釣滄波間身將客星隱心與浮雲閑長揖萬乘君還歸富春山

昭々明也美之辭也嚴光字子陵一名遵會稽餘姚人少與光武同遊學及光武即位乃變姓名隱身不見帝思其賢

乃令以物色訪之齊國上言有一男子被羊裘釣澤中帝疑其光乃備安車玄纁遣使聘之三反而後至除為諫議大夫不屈乃歸耕于富春山後人名其釣處為嚴陵萬乘者天子也○上以松栢比君子之孤直不屈此則以子陵之事實之也言昭之貳子陵之為人也不求聞達垂釣滄波之間為天子故人應上天列宿志不肯屈而終於隱遁心與浮雲而俱間也長揖天子還于故山其高世之志誠若松栢之孤直歷歲寒而不凋豈若桃李之媚於春陽者乎

清風洒六合邈然不可攀使我長嘆息冥棲岩石間

無所雜者清之極孟子曰伯夷聖之清者也又曰聞伯夷之風者鄙夫寬薄夫敦懦夫有立志于陵蓋清者之流也邈然高遠貌冥棲見第六首下○承上言子陵之高潔若此其清

風布於六合邈然高遠不可得而攀也天下古今寧有企及之者使我聞風興起喟然嘆息亦將高蹈遠引棲于岩穴之間如子陵之還于富春蓋為松栢之孤直又安能為桃李之嬌媚乎○按此詩韻有二間字蓋古人用韻不甚拘泥如李白江夏贈韋太守重疊數韻不以為嫌又如杜子八仙歌之重韻可見唐人去古未遠而猶不屑於音韻之間也

其十三

君平既棄世亦棄君平觀變窮大易探元化群生寂寞綴道論空簾閉幽情

賦而比也漢書嚴君平卜筮於成都市以為卜筮賤業而可以惠衆人有邪惡非正之問則依龜筮為言與人子言依於孝與人弟言依於順與人臣言依於忠各因勢導之以善從

吾言已過半矣日閱數人得百餘錢足自養則閉肆下簾大
易者卜筮之法也變者卦爻之變也元者善之長也即易所
謂乾元之道也群生衆人也道論卜筮近理之言即所謂大
易之道也幽情幽願深遠之情也○此言隱德之士世人莫
能知之如嚴君平之賢不求人知人亦不知之也是君平既
彙乎世亦彙乎君平矣且君平善於卜筮能觀卦爻之變窮
究大易之理深探善道化誘群生凡來卜筮者得聞孝弟忠
順之論而有以格其非心甘貧守已不求贏餘閉幽情於空
簾之下自守之意泊如也

騶虞不虛來鸞鷲有時鳴安知天漢上白日懸高名海客去已
久誰人測沉冥

騶虞白虎黑文不踐生草不履生虫鸞鷲鳳雛皆瑞世之物

也天漢天河也博物志海上嘗有人乘浮槎至天河者見一
牽牛者問曰此是何處荅曰君還至蜀問嚴君平則知之歸
問君平君平曰某年某月有客星犯牽牛此人是也沉冥言
君平之術深沉而窈冥也○言君平能知道而安貧有如騶
虞鸞鷲為希世之瑞生不虛生而言則多中非特為人間之
瑞而已雖天漢之上亦知其名誠有若海客之所傳聞者今
而海客之去已久無人復見河邊之牽牛矣誰能測其至術
之深沉而窈冥者乎雖有君平世人莫得而識也是則非惟
君平之彙世而世實彙乎君平也要之欲知吉凶者須致敬
以質於君平欲知理亂者須盡禮以致夫賢者斯可也

其十四

胡關饒風沙蕭索竟終古木落秋草黃登高望戎虜荒城空大

漠邊邑無遺堵白骨橫千霜嗟峨蔽榛莽借問誰凌霄天驕毒
威武

賦也胡閔者中國與胡相限之界胡人出入處也如雁門閔
玉門關大震閔之類此言乃大震閔也吐蕃來往之地戎虜
即吐蕃也漠沙土也史記匈奴傳趙信教單于益北絕漠註
云沙土曰漠唐初以葛羅祿熾侯部置大漠州都督府榛小
木莽草也天驕匈奴也匈奴自謂天之驕子○此詩刺胡虜
犯邊而將帥不能以禦患也言中國與胡華夷相隔自古於
邊塞之地設立閔隘以辨封疆防侵凌也閔近胡地而多風
沙開闢以來皆是蕭條之境秋風一起木葉落而草色黃郊
原空闊登高而遠望但見沙漠之中舊城荒廢邊邑民居無
有遺堵之存而戰士之死於鋒鏑白骨交橫於草莽之間非

一日矣然而蕩覆我之民居殘殺我之生靈者誰之慘歟乃夫驕之匈奴肆其威武以相荼毒有如此也

赫怒我聖皇勞師事鼙鼓陽和變殺氣發卒騷中土三十六萬人哀々淚如雨且悲就行役安得營農圃

赫怒顏詩云王赫斯怒聖皇謂明皇也鼙鼓軍中所擊之鼓也騷動也按史明皇初年命大將軍薛仁貴等護吐谷渾還國師凡十餘萬至大非川為吐蕃長子欽陵所敗三十萬舉大數也○承上言戎虜寇邊而殘虐若此於是天子赫然一怒爰整師旅鳴鼓進軍以致其討變陽和為殺氣驅良民為征夫調發而喧呼者騷動乎中國大衆之舉則有三十六萬之人人人哀泣其淚如雨懼有死亡之患安得復營於農圃自遂其耕桑之樂乎此狀行役者之苦也

不見征戍兒豈知閔山苦李牧今不在邊人飼豺虎

閔山言其所歷之邊塞也史記李牧者趙北邊良將也嘗居
鴈門備匈奴日饗士習騎射謹烽火多間諜約曰匈奴即入
盜急入收保有敢捕虜者斬如是數歲亦無亡失匈奴無所
得邊士日得賞賜而不用皆頭一戰於是選士悉勒習戰單
于大舉衆來牧擊之大破殺匈奴十餘萬騎滅襜褕破東胡
單于奔走十餘歲不敢近趙邊城飼豺虎者言為戎虜所殘
○言生民之苦者莫如征戍之人彙親戚捐鄉土饑渴生死
交切于身乃天下之至苦者也苟或不見征戍之人又安知
有此等之苦哉然士卒之性命懸於將帥之一人將帥得人
則士卒無有死已之憂矣昔者李牧之居趙邊能養士畜銳
故一戰而成功今日李牧之不在矣將帥不能禦戎虜使邊

鄙之民皆餵於虎豹之口徒以血肉之軀資其飽噬而已豈不大可哀乎○按此詩蓋為當時吐蕃犯邊而作舊註謂為揚國忠征閩羅鳳事或謂哥舒翰攻石堡城事恐俱未必然蓋閩羅鳳是雲南之喪師不係北狄石堡城乃我之攻彼非彼之毒我也與詩意不相體貼考之地理驗以歲月乃知為吐蕃事也且吐蕃之顛末紀於唐史者大畧與此相合白目擊其事詩意蓋刺之也

其十五

燕昭延郭隗遂築黃金臺劇辛方趙至鄒衍復齊來

賦也史記齊破燕之昭王謂郭隗曰齊因孤之國亂而隳破燕誠得賢士以共雪先王之恥孤之願也隗曰王必欲致士先從隗始况賢於隗者豈遠千里哉於是昭王為隗改築宮

而師事之置千金於臺上以延天下士號曰黃金臺鄒衍自齊劇辛自趙樂毅自魏皆往於燕昭王以毅為將軍與秦楚三晉兵伐齊下齊七十餘城齊湣王出亡○此詩刺當時大臣不能禮士也夫為治以得人為先自古明君賢相急於求賢故昔者燕昭王遭亂之後卑辭厚幣以招賢者首得郭隗而師事之為築黃金之臺以為禮賓之所故士之聞風而至者則趙有劇辛齊有鄒衍皆將輕千里而來告之以善矣昭王好賢如此宜乎賢材樂為之用果得樂毅共成伐齊之功以遂復讎之舉也

奈何青雲士彙我如塵埃珠玉買歌笑糟糠養賢才方知黃鶴舉千里獨徘徊

青雲士謂當時之大臣近幸於君者也千里遠也徘徊自適

也○承上言古之賢君好賢禮士如此奈何今之居大位者以富貴而驕人眇天下之賢棄捐我輩有如埃塵畧不加之意也夫珠玉本為貴物彼乃以之買歌笑糟糠本為賤物彼乃以之養賢才沉酒淫逸而貴所不當貴簡賢集禮而賤所不當賤彼君子者豈肯為之而少留乎將如黃鶴一舉千里悠然而遠去徘徊容與高出乎風塵之表樊籠不可得而致之也士之甘貧賤而肆志者又豈富貴之可驕哉須如胎王之致敬盡禮斯可也

其十六

寶劍雙蛟龍雪花照芙蓉精光射天地雷騰不可衝

比也寶劍曰蛟龍以其變化言之也雪花者劍體之明也芙蓉鋒鏑之艷也越歐冶子所作五劍一曰純鉤二曰湛盧三

曰豪曹四曰魚腸五曰巨闕薛燭善相劍見歐冶子所作純
鈞曰沉之乎如芙蓉之生於水精光即所謂斗牛間紫氣也
雷騰言劍之飛躍如雷之騰也衝當也言其飛躍之勢不可
當也晉書張華傳初牛斗間有紫氣華聞豫章雷煥遼東家緯
要煥登樓仰觀煥曰宝剑之精上徹於天耳華因問曰在何
郡曰在豫章豐城乃補煥為豐城令到縣掘獄基得一石函
光氣非常中有雙劍並刻題一曰龍泉二曰太阿送一與華
留一自佩曰神物終當化去華亦曰天生神物終當合耳後
華誅失劍所在煥卒其子華為州從事持劍渡延平津忽躍
出墮水使人沒水取之但見雙龍長數丈蟠水中華嘆曰先
君化去之言張公終合之論至此驗矣風胡者楚之善相宝
者也世傳楚昭王卧得寶劍於林谷風胡子閱之風胡曰此

湛盧之劍也。劍之有靈，去無道以就有道。今吳王無道，殺君謀楚，故湛盧去之而入於王耳。○此白以寶劍取喻賢才之難於久棄而終當見用也。言寶劍之有雌雄，難若蛟龍其體之明潔如雪花，其鏗之光艷若芙蓉，光出斗牛之間而射於天地如雷之騰，倏忽奮發不可禦也。

一去別金匣飛沉，失相從風胡滅已久，所以潛其鋒。吳水深萬丈，楚山邈千重，雌雄終不隔，神物會當逢。

別者言雷煥與張華各得其一也。餘見前。○言寶劍之靈為神物也。故始雖相離而終當相合，亦猶賢才為國家之利器。始雖未偶而終當見用也。夫寶劍之別於金匣或飛或沉，而雌雄失其相從者，正以風胡子之不在故潛其鋒而不露耳。然神靈之物終不可以泯沒也。雖吳水之深，楚山之遠，不能

使之相隔而終有會合之期天生賢才宜為世用必遇相知之人引而薦之於朝天豈終於沉晦而已乎

其十七

金華牧羊兒乃是紫烟客我願從之遊未去髮已白

賦也金華山在婺州今金華府牧羊兒王初平也紫烟客仙人也神仙傳王初平婺州丹溪人年十五而家使牧羊有道士見其良謹將至金華山中四十餘年其兄初起占而得之與相見問羊何在曰在山之東初起視之惟見白石初平往叱之皆變為羊與俱還鄉里親戚死亡畧盡乃復與還山中教初起服松脂茯苓至五千里立於日中無影色如童子云

○此亦遊仙詩也言金華山中牧羊之子乃是紫烟之仙客我欲與之相從而遊未及去而髮已白矣此志雖有柰何時

邁而力無及也

不知繁華子擾々何所迫崑山採瓊藥可以煉精魄

繁華者富貴之人也擾々亂意崑山崑崙也瓊藥玉屑仙藥也○言我雖老而求仙好閑之意尚念々而不已彼富貴而繁華者終日營々何所迫乎若能絕利欲不為世事之所迫亦可以鍊吾身之精魄從仙人而遊也彼繁華者固不知此吾雖有志惜乎已老李之何哉

其十八

大津三月時千門掩與李朝為斷腸花暮逐東流水前水復後水古今相續流新人非舊人年々橋上遊

賦也天津在長安城中三輔記云秦始皇并天下都咸陽端門四達以制紫宮渭水貫都以象天河橫橋南渡以法牽牛

所謂天津橋也。斷腸者言人見之而斷腸，哀之甚也。亦猶明皇以千葉桺為銷恨花，曰人則所指者衆，庶民公侯皆是也。遊者來往之謂也。○此詩言都城之景物有代謝而富貴者有變遷，夫皇都三月之時，沿天津橋而列居者，桃李盈門，其花灼灼，動蕩於艷陽之天，可以斷人之腸。花雖好而不耐於夕朝，榮暮落，又將隨東流之水而去矣。水之流也，前後相續，無有古今之殊。人生存亡則有今昔之異，故今日之人非復昔日之人，年々來往於天津之橋者，一皆新人，非舊人矣。是天津也。道出都會之區，水流花謝，固可傷情。而遊人之更替者，紛々不一，尤可悲也。○按洛陽長安俱有天津橋，此長安之天津，秦所建，唐所都也。

雞鳴海色動，謁帝羅王侯。月落西上陽，餘輝半城樓。衣冠照雲

日朝下散皇州鞍馬如飛龍黃金絡馬頭行人皆辟易志氣橫
高丘

海色動日將出也出則海光動矣謁帝入朝也西京記上陽
宮有西上陽宮夾谷水架虹橋以通往來辟易開張而易其
故處也○言長安城中天津橋上雞鳴將曉之時趨朝謁帝
班於天子之庭者公與侯也斯時也殘月落於西上陽之宮
而餘光半射於禁城之樓文武衣冠照耀雲日彬々然文物
之盛也朝罷而回馬若飛龍黃金絡其馬首道上行人皆逃
巡而退避志氣揚々軒然高舉有若高丘可望而不可及也
彼富貴者一時勢焰赫々如此似可畏哉

入門上高堂列鼎錯珍羞香風引趙舞清管隨齊謳七十紫鴛
鴦雙々戲庭幽行樂爭盡夜自言度千秋

入門者退朝而食於家也錯雜也謳歌也南都賦齊僮唱兮
列趙文紫鴛鴦疑為舞者所服之衣也宋禮樂志鴛鴦七十
二羅列自成行七十二乃舞列之數也古者天子用八佾每
佾八人則為八八六十四人茲云七十二者豈後世或增為
九人則為八九七十二矣言七十舉成數也蓋自三家之僭
後世謬誤一至於此爭競也○言朝罷歸家坐於高堂之上
列鼎而食所食之品皆珍羞也香風引乎趙舞則趙女之舞
者皆艷色也清管隨乎齊謳則齊僮之謳者皆妙曲也歌舞
之人皆服鴛鴦之服戲于幽庭之內行列之數則有七十二
人雙之為偶翼然而齊整也遊樂宴飲夜以繼日常若不及
自謂千年之久可保於無虞矣

功成身不退自古多愆尤黃天空嘆息綠珠成冢雙何如鴟夷

一散髮弄扁舟

功成者謂仕宦之功成也老子云身退天之道也愆尤過也秦丞相李斯臨刑顧謂中子曰欲與汝牽黃犬出上蔡東門遂狡兔其可得乎遂父子相泣而夷三族綠珠者白州梁氏女也有容貌善歌舞石崇以真珠二斛買之趙王倫專權廢人孫秀求之崇不與秀矯詔收崇正當宴樓上謂綠珠曰我今為尔得罪綠珠泣曰當効死於官前因自墮樓而死范蠡越王句踐之相也佐越滅吳乘扁舟載西施泛江湖而去自謂鴟夷子皮止於陶號陶朱公○言仕宦者期於成功成而身宜退也苟或履盛滿而不知戒自古以來多遭罪戾故李斯徒然嗟嘆於黃犬石崇未免召釁於綠珠富貴已極而憂患隨之勢必然也安得知范蠡者見幾而作散髮扁舟

遊於五湖者乎

其十九

西嶽蓮花山迢迢見明星素手把芙蓉虛步躡太清霓裳曳廣帶飄拂昇天行

賦也西嶽華山唐西都之鎮也明星仙女也集仙傳明星玉女居華山服玉潔白日昇天芙蓉蓮花也霓裳者仙衣也楚辭云青雲衣兮白霓裳昇天行即上所謂躡太清也○此白悼祿山之陷東京而華已之不與其難其託言之意若曰我登華山而見明星之玉女手把蓮花虛步於太清之中霓裳廣帶飄拂空中於白日而昇天也

邀我登雲臺高揖衛尉卿恍與之去駕鴻凌紫冥

雲臺華山之峯也華山記雲臺觀方丈上有山崛起神仙傳

衛尉卿中山人服雲母得仙漢武帝時因帝好道嘗來見帝
忽不知所在帝遣使同其子求之尋至華山見其在絕巖上
與數人博戲紫雲鬱鬱竟亦莫能致也○言我於華山遇見
明星玉女邀我登平雲臺之上楫衛尉卿之仙人恍惚之間
相與駕鴻飛騰於紫霄之上此白之託言也

俯視洛陽川茫茫走胡兵流血塗野草豺狼盡冠纓

俯視自上而望下也洛陽唐東都也胡兵祿山之亂兵也豺
狼猶云犬羊安史之徒也冠纓者有爵者之服也○言於華
山見明星邀登雲臺之上得見尉卿仙人斯時也俯視洛陽
之川但見川水之傍茫茫然皆是胡虜之兵奔走而衝突者
其數不可計也肆意殺掠流血遍野使我百萬之生靈殲于
鋒鏑之下誠有不忍見者矣彼方自以為功班爵行賞凡豺

狼腥羶之徒皆濫冠纓之列殘民僭竊衣冠塗炭乃用夷以
變夏亂斯極矣雖雲臺之高視又安能遽尔而忽然乎○說
者謂此詩祿山入洛之時白適在雲臺之地而見之也按史
白初以賀知章薦召見金鑾賜食調羹供奉翰林既而以沉
香亭之樂童為高力士等所譖白不自安求還山帝賜金放
還因浮遊四方不久而祿山反轉側宿松匡廬間當祿山陷
洛陽之時白卧於廬阜也言登華山雲臺而見胡兵者亦託
言耳豈真在於洛川而見之乎意亦自幸處高視下邈然而
不相及也古之詩人多有假託之辭以意逆志乃為得之

其二十

昔我遊齊都登華不註峯茲山何峻秀綠翠如芙蓉

賦也齊都唐齊州今濟南也華不註山名在濟南水經云濟

水入東華不註山左傳成公二年齊景公與晉卻克戰于
鞞齊師敗績遂之三周華不註○此亦遊仙之詩言我曾遊
於齊都登華不註之峯此峯高峻而秀發綠翠之色如芙蓉
也

蕭颯古仙人了知是赤松借予一白鹿自挾兩青龍含笑凌倒
影欣然顏相從

蕭颯輕舉貌白鹿者鹿千歲而色白也凡鹿與龜鶴壽至千
歲而色皆變白而能通靈矣列仙傳曰赤松子神農時雨
師服冰玉居西王母石室中騎鹿乘龍皆仙人事倒景者日
之返照處陵陽竇子明云倒景去地四千里○言我登於華不
註之峯遇見赤松子之仙人以白鹿與我而自挾其青龍彼
將含笑御青龍凌倒景而飛昇矣我亦欣然乘白鹿以相從

也

在世復幾時倏如飄風度空聞紫金經白首愁相誤撫已忽自笑沉吟為誰故名利徒煎熬安得閑餘步

紫金丹也紫金經丹書也撫已言以手自撫也餘步言動靜之不急也○承上言我願從仙人而遊者正以人生世間無有幾時倏若飄風之易過也我雖有志於修鍊空聞紫金經之說然秘訣不傳終於無成蹉跎白首恐至相誤捫心撫已忽然自笑試沉吟而思之抑誰之故歟乃吾自溺於名利之間徒自煎熬安得有餘閑之日從容於丹藥之說乎故空聞紫金經而終成白首之誤也

終留玉赤鳥東上蓬萊路秦帝如我求蒼々但烟霧

玉赤鳥仙人之履也列仙傳安期生留赤玉鳥報始皇問

後數年求我於蓬萊山○言我雖以名利暫落人間終當從仙人騎白鹿以飛昇有如安期生留赤鳥於人間以報始皇之禮意而已彼則東上於蓬萊之山也秦帝如欲求之歟則蓬萊路遠玄津萬里惟見烟霧之蒼范仙人不可得而求矣我雖有志於相從其可得乎○按此篇舊本全文多有疑義而上下辭意不相續據士斌舊註分為三節云第一節謂從仙人以遠遊第二節謂別親友而嗚咽第三節是泣別之際忽翻然自悟而笑曰沉吟泣別者為誰故哉在世幾時不過為名利煎熬耳於已分上事初何所益末四句是決意遠遊之辭謂終當高舉但留迹於人間雖帝者求之且不可得豈更為親友之戀乎今詳詩意亦恐未然第十句與第十一句上下文義不相續似有關文或有錯簡何也既曰欣然願相

從矣又何至於與親友泣別而再三嗚咽耶所謂君者又不知其何所指也分手千里去何時而還者又行後離別之辭非從仙之事也自第十一句至十九句凡八句義既不諧辭宜節去今以舊本全章附寫于后以俟知者與訂校云

昔我遊齊都登華不註峯茲山何峻秀綠翠如芙蓉蕭颯古仙人了知是赤松借予一白鹿自挾兩青龍含笑凌倒景欣然顧相從泣與親友別欲語再三咽勗哉青松心努力保霜雪世路多險艱白日欺紅顏分手各千里去々何時還在世復幾時倏如飄風度空聞紫金經白首愁相誤撫已忽自笑沉吟為誰故名利徒煎熬安得聞餘步終留玉赤鳥東上蓬萊路秦帝如我求蒼々但烟霧

郢客吟白雪遺響飛青天徒勞歌此曲後世誰為傳試為巴人
唱和者乃數千

比也郢楚都也巴人下里巴人也白雪巴人皆曲名楚辭宋
玉對楚王問曰客有歌於郢中者其始曰下里巴人國中屬
而和者數千人其為陽阿薤露國中屬而和者數百人其為
陽春白雪國中屬而和者數十人引商刻羽汎以流徵國中
屬而和者不過數人而已是其曲彌高其和彌寡○此以歌
曲喻賢人也言郢客善歌白雪之曲遺響悠揚飛於青天之
上其歌曲之妙無以加矣然調高而音絕後世無傳徒擅其
所長於一時而已矣不如降其節調俯就於人試為下里巴
人之歌則人人易曉而和之者多矣亦猶賢者抱道自高莫
能屈致或俯而就之小試行道之端庶乎其可近也

吞聲何足道歎息空淒然

吞聲不語也鮑照詩云心非木石豈無感吞聲躑躅不敢言
○承上言世俗之人不識曲中之高調我將欲與之辨歟不
足辨也只得默之而吞聲豈能以口舌而爭乎不過付之一
嘆而已辟之賢者不遇知己不可枉道而干人亦惟自守而
已耳

其二十二

秦水別隴首幽咽多悲聲胡馬顧朔雪蹀躞長嘶鳴感物動我
心緬然含歸情

賦也秦水秦地之水即隴頭水也三秦記坻隴在天水郡其
坂九曲登者七日乃越上有水西注下名隴頭水緬遠也我
戍者自謂也山東之人行役而升隴者東望秦川四五百里

極目泯然莫不悲思故歌曰隴頭流水分離四下念我行役
飄然曠野登高望遠涕淚雙墮○此詩為戍役者而作言秦
水別乎壠頭多有嗚咽之聲似若不忍別者朔地之雪胡雪
也以胡馬顧乎朔雪蹙蹙長鳴亦似有戀鄉之意也物情之
不忘舊如此使我觀物動心邈然亦起懷歸之念矣

昔視秋蛾飛今見春蚕生孑孑桑柘葉萋萋柳垂榮

蛾似蝶草中所生如撲燈蛾之類或曰蚕蛾非也秋無蚕矣
○此言節物之變秋見蛾飛春見蚕生而時邁矣蚕生之際
桑柘茂而柳葉榮春已深矣行役在外不覺歲月之久有如
此也

急節讞流水羈心搖懸旌揮涕且復去惻愴何時平

急節者時之速也懸旌者心有所繫也戰國策楚王曰寡人

心搖：如懸旌終無所泊惻愴傷情也。○承上言節物之變如此則時之易謝速如流水我之羈心念彼室家者有若懸旌之搖：然而不定也。懷歸雖切役事未已只得揮淚而向前憂苦之心何時而已乎此言行役之苦體貼切實如詩之草虫采薇之類讀之使人情思淒然而感動明皇好邊功而調發之煩於此可見

其二十三

秋露白如玉團：下庭綠我行忽見之寒早悲歲促

賦也露白秋深也團：盛貌詩國風云野有蔓草零露團兮庭綠草也促速也迫也。○此言人之生世有限當知是而知止也秋露既零凝如白玉團：然下於庭草之上我行庭中忽然見之乃知寒之將至而歲事將窮歲月短促未免令人

一傷悲也

人生鳥過目胡為自結束景公一何愚牛山淚相續

鳥過目速也張景陽詩云人生瀛海內忽如鳥過目結束猶言拘束也齊景公遊于牛山北臨其國流涕曰若何去此而死來晏子曰使賢者常守之則太公桓公將常守之矣使有勇者常守之則莊公靈公常守之矣數君者常守之吾君方將簞筮而玄於畎畝之中唯事之恤君安得此位而玄焉以其迭廢之迭去之至於君也而獨為之流涕是不仁也景公慚焉舉觴自罰○言時物之變如此則知人生易邁有若鳥之過○倏然而逝無留影也何故營營於聲利之間自取纏束之言而不得後容以肆志耶昔者齊景公登皆山而悲泣憂旱國之不久惴惴焉惟死之畏是不能達死生之理蓋愚

而不明者也

物苦不自足得隴復望蜀人心若波瀾世路有屈曲三萬六千
日夜三炷秉燭

光武初岑彭書曰人若不知足既得隴復望蜀波瀾不定也
屈曲不直也三萬六千日百年也蓋人生以百歲為期也○
承上言人生易過若能知止以安其分雖入心如波瀾之翻
覆而不定世路若羊腸之屈曲而難行皆無所預也且人生
以百歲為期亦止有三萬六千之日夜三炷燭以相燕飲庶
幾畢吾生之樂否則纏束於富貴功名之間卒為愚人而已
矣

其二十四

大車揚飛塵亭午暗阡陌中貴多黃金連雲開甲宅

賦也亭午當午也中貴內貴人也謂宦者之流甲宅甲第也漢田蚡傳治宅甲諸第言為諸宅之冠也○此詩刺當時嬖倖者之驕奢言高軒大車揚動飛塵當晝之時暗乎阡陌其車之多而且麗者誰之車歟乃中貴人之車也是中貴也叨天子之寵倖而多有黃金苞首積而帑藏盈矣廣開第宅其高連雲所居之侈而又冠乎都邑也言宦臣之驕奢如此○路逢鬪雞者冠蓋何輝赫鼻息干虹霓行人皆怵惕

鬪雞者按唐志玄宗好鬪雞貴臣外戚皆尚之陳鴻東城父老傳云賈昌生七歲矯捷過人解鳥語玄宗在藩邸樂民間清明節鬪雞戲及即位治雞坊于兩室間索長安雄雞金尾鉄距高冠昂尾者千數養于雞坊選六軍小兒五百人使馴擾教飼之諸王外戚貴主侯家皆以鬪雞為事貧者真假雞

以木為之帝出遊見昌美木雞於雲龍門道傍召人為雞坊
小兒衣食右龍武軍昌以童子入雞群如狎群小舉二雞餵
而馴使之如人雞坊謁者王承恩言於玄宗召試殿庭皆中
帝意即日命為五方小兒長天子甚愛幸之金帛之賜日至
其家開元十三年鷄龍三百從天子東封泰山十四年衣闔
雞冠從于溫泉八月五日千秋節帝往驪山是日萬樂具舉
六宮必從昌冠鵬尾金華冠錦袖繡襦執鐸拂導群雞敘立
于廣場揮指風生群雞進退有期隨鞭拍低昂勝負既決強
者前弱者後隨昌鴈行歸於鷄坊百戲皆氣沮逡巡不敢入
○此言小技得倖於天子致富貴而氣勢之焰赫也

世無洗耳翁誰知堯與跖

洗耳者琴操云堯大許由之志欲禪為天子由以其言之不

善乃臨河而洗其耳逸士傳所載畧同跖盜跖也戰國時人聚徒數千人橫行列國○承上言宦者之驕奢如此而嬖倖之顯赫如彼皆不義而富且貴者世無高潔之人歆慕而成風違道而干祿者比之然也又安知有善惡之分而堯與跖所向之不同者乎

其二十五

世道日交喪澆風散淳源不采芳桂枝反棲惡木根所以桃李樹吐花自不言

賦也世道交喪者世降而道衰也芳桂菴李以喻君子惡木喻小人也李廣傳曰菴李無言下自成蹊○此詩言當時於君子小人無所分別而賢人隱遯也世道交喪時俗薄矣淳厚之源變為澆風好人之所惡而惡人之所好辭之不采芳

桂之枝而反棲惡木之根也馨香醜惡無所分別所以莠李之樹但吐花而不言也莠李芳桂同為嘉樹故見芳桂之不采各傷其類亦終無言而已矣

大運有興沒群動爭飛奔歸來廣成子去入無窮門

大運者人物所稟於天命之大數也群動百物也廣成子古之有道者或曰黃帝之師也莊子黃帝問道於廣成子廣成子曰彼物無窮而人皆以為終彼物無測而人皆以為極今夫百物皆生於土而反於土故予將去入無窮之門以遊無極之野○言天地之大運有興有沒自然之數不可以強為者彼群動之物營營擾擾乃相爭於食色好惡之間不能安於一定之分是不知大運之理者也故廣成子之知道者靜一而不逐於物入乎無窮之門將與天地同始終也豈眾人

之所能測哉是則廣成子之去乃所以反吾之溥源也豈若
群動之紛々以自勞者乎

其二十六

碧荷生幽泉朝日艷且鮮秋花冒綠水密葉羅青烟

此也幽泉者泉之隱而遠者也冒覆也○此以碧荷喻賢才
也言碧荷生於幽泉之中艷而且鮮花冒綠水而葉羅青烟
生地雖僻而生質固美喻賢者身雖在野而有材能技藝之
可用也

秀色空絕世馨香竟誰傳坐看飛霜滿凋此紅芳年

承上言荷之生於幽泉也空有秀色馨香無人知者終於飄
零而已以喻賢者隱於岩谷之間世無知己卒老而無聞也
結根未得所頭託華池邊

華池之之美者也陸士衡詩云移居華池邊○言綠荷雖有
秀色馨香與凡草木而同腐者以其生於幽泉結根不得其
所也須託於華池之邊臨乎大都通邑之區庶往來者衆而
賞玩者多香色有所傳聞不徒然而凋零也亦猶賢才附託
得人必有引薦之助乃可致身朝廷得君而行道也否則棄
捐沒齒無所聞矣○昔者繆公無人乎子思之側則不能安
子思泄柳申詳無人乎繆公之側則不能安其身二者白能
有一於是乎徒以不羈之才有願用之志然亦未知所以自
重急於求銜故一進而遽退諛間得以乘之也白蓋狂者之
流志大而言大者歟一

其二十七

燕趙有秀色綺樓青雲端眉目艷皎月一笑傾城歡常恐留信

晚坐泣秋風寒

此也秀色女之美者也古詩云燕趙多佳人美者顏如玉又云西北有高樓上與浮雲齊傾盡也傾城者言盡乎一城之人也碧草秋風時之邁也○此以美女喻君子也言燕趙之地有佳人焉居於綺樓之上其樓之高連乎青雲是美女也眉目之艷有如皎月一笑之間傾城皆歡無有不悅之者常恐時過色衰為可惜是以免於自傷也彼君子者懷材抱德高棲於丘壑之中澤可被於斯民但恐不得及時以行其道窮居至老為可悲耳

纖手怨玉琴清晨起長嘆焉得偶君子共乘雙飛鳶

玉琴長嘆喻不見是而致悶也君子喻君也乘鳶喻得君也○言佳人之過時而不得良配則鳴琴以自悲於晨興之時

或發長嘆夫室家之頽人皆有之安得偶乎有德之君子共
乘雙鳶以諧婉變者乎是猶賢者不得於君則執中願仕之
心未嘗忘也

其二十八

容顏若飛電時景如飄風草綠霜已白日西月復東華髮不耐
秋颯然成衰蓬

賦也飛電飄風言其速也○此言時之易過人之易老也夫
容顏之變有如飛電時景之去忽如飄風草方綠而霜又
白日既西矣而月復東時景易去而不可久留者信乎若飄
風之速也少年黑髮忽成華髮颯如飛蓬不耐乎秋容顏易
變而不能長好者信乎若飛電之迅也

古來賢聖人一一誰成功君子變猿鶴小人為沙虫不及廣成

于垂雲駕輕鴻

成功言其得位以成功業也。猿鶴沙虫言其物化而不存也。抱朴子曰：周穆王南征久而不歸，一軍皆化。君子為猿鶴，小人為沙虫。廣成子見二十五首下。○承上言人生易老而時景易過如此。自古以來賢聖之人存心於斯世者能有幾人。得成功業者乎。大運變遷，人物消化為君子者皆變為猿鶴，為小人者皆變為沙虫，不分貴賤賢愚而同歸於澌盡。安得有如廣成子之仙人者乘浮雲駕輕鴻遊于太虛之中。久而視而長生者乎。是則衆人之容顏皆易衰，舉世之時景皆易過。泯之焉。隨物而成，不知從仙之術，此可哀也。

其二十九

二季分戰國七雄成亂麻，王風何怱怱。世道終紛拏。

賦也季末也七雄七國也七雄之世是為戰國王風黍離之詩也王者之迹熄雅降而為風也詩大序云亂世之音怨以怒紛拏襟也○此遭亂被黜自傷之辭也言三代之末周道既衰分為戰國七雄相爭勢如亂麻王風降為黍離大夫之行笈者閔宗周之顛覆嘆宗廟之丘墟仰悠之蒼天詰何人而致亂其辭則怨且怒矣王政不綱諸侯用兵以相爭強世道紛々而撥亂矣

至人動玄象高舉凌紫霞仲尼欲浮海吾祖之流沙

至人者人之至極而無以加者也玄天也玄象者天之象數也孔子曰道不行乘桴浮於海吾祖者老子也老子生於殷未嘗為周柱下史周衰乃乘青牛入大秦過南谷關令尹喜占熱氣知有真人至果見老子為著書因與俱之流

沙而西○言周末之時世道既衰惟至人能察於玄象之微
而知進退存已之理見幾而作故仲尼乘桴而浮於海老子
乘青牛而之流沙皆厭斯世之污濁高蹈遠引欲潔身以自
全也

聖賢共淪沒臨歧何咄嗟

聖賢謂孔子與老子也臨歧白自謂也咄嗟嘆也○言世衰
道微聖賢皆欲自晦其迹吾今遭難而被黜亦宜引去如古
人之無所係累者斯可也臨歧即往何嘆嗟之有哉

其三十

玄風變太古道喪無時還擾季葉人鷄鳴翅四闕

賦也玄風玄素太古之風也季葉末世也四闕晉陸機洛陽
記云洛陽有四闕東成臯南伊闕北孟津西函谷白以古道

既喪末世滋偽雖儒者亦務於小節而已謂夫道者太古之道也太古玄素之風既變而道喪矣道喪何時而還乎其流愈下至於末世惟利是圖鷄鳴而起紛趨四閭擾然慕功名求富貴而無一刻之暇也

但識金馬門誰知蓬萊山白首死羅綺笑歌無時閑綠酒晒丹液青蛾周素顏

金馬門史記宦者門傍有銅馬故謂金馬門三輔黃圖云武帝得太宛馬以銅鑄像立於司馬門因以為名青黛也古者婦人畫眉以黛或曰娥作蛾謂蛾眉也素白也素顏猶云玉顏也丹液見第四首下○言末世之人惟求富貴但識金馬之門以為榮身之地而已安知蓬萊之山為仙人之所居者乎故終身溺於服食聲色之奉極其繁侈而不知所樽節也

又安知太古之風乎

大儒揮金槌琢之詩禮間蒼三珠樹冥自焉能攀

大儒之大者也莊子云儒以詩禮發冢琢玉也金槌所以琢玉者三珠樹仙樹也淮南子云凡海外三十六國三珠樹在其東北方有玉樹在赤水之上崑崙丘在其東南○言末世之人皆趨富貴而儒者頗知自持將欲正彼之失揮金槌而琢之於詩禮之間使之就規矩知廉耻而不至於肆情以徇物也雖云彼善於此亦是小節而已未聞太古之大道是道也即仙家所謂三珠之樹蒼然在於崑崙之丘惟得道者為能見之彼儒者所見不過近小之物於此或昧焉又烏能折其榮而攀其條乎

其三十一

鄭客西入闕行、未能已白馬華山君相逢平原里壁遺鎬池
君明年祖龍死

賦也鄭客秦使自鄭而回者也闕函谷闕也鄭在闕東秦在
闕西君者主也神之稱也楚辭所謂湘君之類是也平原里
即華陰平舒道也鎬池在長安西南鎬池君水神也祖始也
龍君之象也謂始皇也史記始皇三十六年使者從闕東來
夜過華陰平舒道有人持璧遮使者曰為我遺鎬池君因謂
曰明年祖龍死使者問其故忽不見置其辭去○此白遭亂
罹憂而自嘆之辭也言秦之使者從闕東而來行至華陰遇
華山之神於平舒之道以璧授使者遺鎬池之君且告之曰
明年而祖龍死蓋始皇之暴虐天下神人共怒皆幸其死其
兆之先見者神先知之故華山之君遇使者而轉告於鎬池

之君也

秦人相謂曰吾屬可去矣一往菴花源千春隔流水

菴源者秦人避亂之地也陶淵明記云晉太元中武陵漁人捕魚為業從溪行忽逢菴花夾岸落英繽紛漁人異之前行盡水源便得一山有小口捨舟從口入豁然開明屋舍儼然有良田美池桑竹之屬男女衣著悉如外人黃髮垂髫見漁人驚問還家設酒殺雞作食自云先世避秦時亂來此問今是何世乃不知有漢之與晉魏停數日辭去既去得其船便扶向路處及郡下詣太守說如此太守即遣人隨其往迷不復得路後遂無問津者○言秦之暴虐神人共怒世人相率而避之往於菴源之中永與世而相隔也○按白遭亂被竄借秦人之事以自況或曰指其君為始皇且幸其死特不

能為尊者一諱耶曰此借鑄池之事以明亂臣之有兆正欲知幾預為避之術非顯然而斥其君也

其三十二

蓐收肅金氣西陸弦海月秋蟬號階軒感物憂不歇

賦也蓐收金神也郭璞詩云蓐收清西陸日月所行之道也弦月上弦也號蟬聲之大也○此白感時而自嘆之辭言蓐收肅平金氣金神司秋而天地之氣斂藏矣西陸弦平海月初之時月出西方而上弦矣斯時也蟬聲啞咽噪乎階軒之間景物感人如此使我憂心之忉忉而不能已也

良辰竟何許大運有淪忽天寒悲風生夜久衆星沒惻惻不忍言哀歌逮明發

良辰猶言好日也何許言不多也或曰許所也何許猶言何

所也詩云昭茲來許大運天運也惻之憂意明發天將旦而
光明開發也○言秋景蕭條感物傷悲所謂良辰者竟安在
乎大運淪沒忽然變遷天寒而悲風生夜久而衆星落矣我
之感物而憂者中心惻之何忍言哉惟哀歌以自遣夜以達
旦不能寐也○按此詩白感秋而作情思之慘而言辭之切
豈當奔亡與流竄之時而作歟於今不可得而考矣

其三十三

北溟有巨魚身長數千里仰噴三山雪橫吞百川水憑陵隨海
運音赫赫因風起吾觀摩天飛九萬方未已

賦也北溟北海也莊子逍遙篇云北溟有魚其名為鯢之
大不知其幾千里也三山海中三神山蓬萊方丈瀛洲也又
曰化而為鳥其名為鵬之大背不知其幾千里也怒而飛

其翼若垂天之雲是鳥也海運則徙於南溟水擊三千里扶搖而上者九萬里燁赫輝赫也○此以巨魚喻賢人也言北溟之鯤大數千里仰首而噴浪則成三山之雪張口而噴波則吞百川之水隨海而運則擊水有三千里之遠因風而起則摩天有九萬里之程是神物之大者其運用之大茫乎不可測也如此彼君子者蘊帝霸王之道可以闢乾坤而參造化其功業之大者與巨魚之噴三山吞百川摩天飛而凌九萬者又何異哉○或曰白此詩與上李邕之詩皆自言已志曰非也此但槩論其理有體用者如是蓋述莊子之意而言之也彼上李邕之詩恐亦未必是白之作邕與白為姪姪相知之有素者又何必有畏後生輕年少云云或後人託此巨魚化鵬之說而效為之未可知也

其三十四

羽檄如流星虎符合專城喧呼勅邊急群鳥皆夜鳴

賦也檄說文云以木簡為之長二尺以徵召魏武奏事曰若有急則挿以鷄羽謂之羽檄符以竹為之各分其半漢文帝二年初與郡守為銅虎符竹使符註云以符代古者珪璋各分其半右留京師左以與之武帝曰吾新即位不欲出虎符發郡國兵蓋虎符發兵而竹符出使也故曰竹使符羽檄虎符皆為兵也專擅也獨也專城言自得擅主一城也勅正也理也天子之令曰勅急警急也曹子建詩云邊城多警急晉符堅入寇其妾張氏諫曰諺云鷄夜鳴者不利行師秋冬以來衆鷄夜鳴又莊子鴻濛篇曰亂天之經逆物之情玄天弗成解獸之群而鳥皆夜鳴○此詩舊說為揚國忠征閣羅

鳳而作蓋刺之也言朝廷以羽檄而徵兵者如流星之速虎符之調發者有專城之威急則不容於少緩專則獨擅於一人勅令救邊之急聞然傳逝而喧呼群棲之鳥盡皆夜鳴兆之先見者其不寧也若此

白日耀紫微三公運權衡天地皆得一澹然四海清借問此何為蒼言楚征兵渡瀘及五月將赴雲南征

晉天文志紫宮垣一名紫微天帝之座天子之居也權衡北斗星名一曰天樞二曰璿三曰璣四曰權五曰衡六曰閭陽七曰招搖光老子云天得一以清地得一以寧聖人得一而天下貞書曰四海永清此指上虎符羽檄勅遣而言也雲南古楚地瀘水出群何郡諸葛亮出師表云五月渡瀘深入不毛今瀘戎之間有渡瀘亭五月煩暑瀘地多瘴出師非其時

也雲南征者揚國忠興師征閣羅鳳也唐開元末皮羅閣
阿蠻取大和城天子賜名歸義冊為雲南王治大和城歸義
死羅鳳襲鮮于仲通領劔南節度使下忿少材畧故事南詔
嘗與妻謁都督過雲南太守張虔陀私之多所求丐羅鳳不
應虔陀數詬斬之陰表其罪由是忿怒反發兵攻虔陀殺之
明年仲通自將出靖州羅鳳遣使謝罪仲通怒囚其使者進
薄白崖城大敗引還會揚國忠以劔南節度使當國乃調天
下兵十萬使侍御史李宓討之宓敗死西耳河自再興兵傾
中國驃騎二十萬天下究之○言朝廷以羽檄虎符徵兵而
騷擾邊方是觀兵而不耀德也夫君相以道化人則天下自
服若天子端拱於九五之上而白日耀乎紫微三公運籌於
台輔之間以佐乎天子君相各盡其職則天地清寧而四海

無危矣何必以耀兵為哉今而羽檄虎符喧呼勅邊欲何為乎乃為楚而徵兵也以閩羅鳳據雲南而叛于楚地朝廷命師以討之及此五月暑毒之時渡於瀘水深入瘴癘之鄉夫遠人之不服則當修文德以來之何至窮兵黷武之若是五月渡瀘異於諸葛公勤王者矣

怯卒非戰士炎方難遠行長號別嚴親日月慘光晶泣盡繼以血心摧兩無聲困獸當猛虎窮魚餌奔鯨一去不回投軀豈全生

怯卒疲兵也南荒炎蒸之地曰炎方晶亦光也兩無聲嚴親與子皆嗚咽也投軀言以身而委於人也○言此南征之人雖曰中國之師旅其實怯弱之懦夫不能受甲非戰士也臨岐慟哭以別父母日月為之而無光泣盡而繼之以血彼此

震驚千秋二壯士烜赫大梁城縱使俠骨香不慚世上英雄能
書閣下白首太玄經

史記魏公子無忌封信陵君魏有隱士曰侯嬴年七十為大
梁夷門監者公子嘗置酒會客自迎侯生侯生薦力士朱亥
同飲酒公子起為壽侯生謂公子曰朱亥賢者世莫能知故
隱屠閭耳遂延為上客杜詩飲中八仙歌云眼花落井水底
眠漢書揚惲書云酒後耳熱俯歪而呼烏之選七啓曰慷慨
則氣成虹霓二壯士謂侯嬴朱亥也史秦破趙長平坑趙卒
二十萬進圍邯鄲趙數請救於魏之使將軍晉鄙將十萬衆
救趙留軍壁鄴以窺望平原君使讓公子無忌公子患之乃
用侯生計請如姬於王宮內得虎符奪晉鄙軍使遊客朱亥
袖鐵槌四十斤搥殺晉鄙遂將其軍進拔秦軍解邯鄲圍大

梁魏都也○言俠客之雄自占得名者莫如侯嬴與朱亥而
趙客之為任俠者尤有過焉想當戰國之時間過信陵之家
解劍飲酒以相歡洽將炙啖乎朱亥持觴勸乎侯嬴相結於
無事守死於危難然諾之重山嶽為輕既醉之後眼花耳熱
意氣慷慨有若虹霓勃然橫發於心胸可以充塞乎宇宙義
勇之聲震驚一國千載之下孰不聞此二士之名乎故雖死
而無愧也豈必從事於章句之末如揚雄之草太玄老於書
閣之下乎

關山月

明月出天山蒼茫雲海間長風幾萬里吹度玉門關

賦也天山註見本卷戰城南下玉門關即玉關註見本卷胡
無人下○按樂府鼓角橫吹十五曲內有關山月白之為此

用楚之且華身

一曲者猶言一偏之莊子外篇云可用於天下而不足以用天下此之謂辨士一曲之人也斐然文貌揚子或問吾子少而好賦曰然童子雕虫象刻俄而曰壯大不為也韓子曰燕王好微巧術人曰吾能以棘刺之端為母猴王悅之養以五乘之俸王曰吾試觀客為棘刺之母猴久而無成客竟進去言談之士多棘刺沐猴之說也楚之華美貌○言當時之為詩辭者不能復古而流於纖細乃一偏之小枝昧聖人之大道乃雕虫之巧喪其天真而大朴散矣是猶於棘刺之端造為沐猴徒久費精神而終無所就也彼士者之為文辭務為纖麗自矜其能者與造棘端之沐猴又何異哉文不載道無益於實用不過隨時逐俗以干利祿之榮辭之楚之

衣裳華美其一身而已於中心之實德無所益也

大雅思文王頌聲久崩淪安得郢中質一揮成斧斤

大雅之詩多詠文王之德頌之詩美先王之盛德而告成功者也郢斤莊子曰郢人堊漫其鼻若蠅翼使匠石斲之匠石運斤成風堊盡而鼻不傷郢人立不失容○承上言詩辭之不復古故無雅頌之作其流愈趨而愈下安得精思之入神天然之巧如郢人之運斤成風者乎所以効壘而取哂學步而失真也○按自三百篇以後而古詩亡矣晉不如漢唐不如晉晚唐五季而又萎弱宋之諸公欲學盛唐而不可得是猶李白之欲復古而終不能及也噫詩之闕乎氣運尚矣風氣日微而欲聲音文辭之同乎古無其質而求其文胡可得哉自元以至於今尤有可議者矣

其三十六

抱玉入楚國見疑古所聞良寶終見棄徒勞三獻君直木也先
伐芳蘭哀自焚盈滿天所損沉冥道為辭

比也抱玉者下和也下和得玉璞於楚之荆山獻之楚武王
王示玉人玉人曰石也刖其右足文王即位復獻之玉人曰
石也刖其左足及成王即位又獻之成王曰先君輕刖而重
剖遂剖之得美玉乃封和為清陽侯世傳以為和氏璧荏子
太公任曰直木先伐甘井先竭漢龔勝傳勝卒有一老父來

吊曰蘭以香自焚膏以明自銷尚書云滿招損易曰天道虧
盈而益謙沉冥即沉晦也○此詩言君子之不見用又當見
幾而作也夫下和得荆山之璞獻於楚國之君王人不識而
楚君見疑兩刖其足此事古求之所傳者是良寶終於見棄

徒勞三獻之勤也正猶君子之懷材抱德人君棄之而弗用
雖有効用之心不蒙見錄亦徒勞而已矣人君之不寶賢如
此故直道無所容也譬如直木而先伐芳蘭而見焚木可用
而蘭有香故不能以自壽也蓋天道惡盈而好謙所以盈滿
者天必損之惟能沉冥以自晦者為道之所萃而終無所傷
若為皎々之行則自取速亡之禍安可以直道而行乎

東海沉碧水西關乘紫雲魯連及柱史可以躡清芬

魯仲連事見第十首下柱史事見二十九首下躡躡也言繼
其迹也○承上言道之不合時無所容矣故仲連欲避秦而
蹈海老子欲棄世而入關茲二人者有先見之智有高世之
心我願學焉將以繼其芳躡而躡其清芬庶乎恥辱禍患之
不吾及也

其三十七

燕臣昔慟哭五月飛秋霜庶女號蒼天震雷擊齊堂精誠有所感造化為悲傷而我竟何辜遠身金殿傍

賦也燕臣鄒衍也淮南子曰鄒衍盡忠於燕惠王信讒而繫之獄衍仰天而哭正夏而天為之降霜庶女者齊之寡婦也無子不嫁事姑敬謹姑無男有女利母財令母嫁婦終不肯女殺母以誣寡婦不能自明寃結叫天為作雷電擊景公之臺精誠者誠之至也辜罪也按李白傳賀知章薦白於玄宗召見金鑾賜食調羹待詔金馬門後以梁章被高力士楊貴妃譖遂放還山○此詩乃白被黜而自嘆之辭也言昔者燕臣鄒衍盡忠被諛仰天而哭五月為之飛霜寡婦庶女盡孝受誣蒼天震怒風雷下擊於齊堂此忠孝之精誠通

乎神明故造化亦為之悲傷昭然而感應也今我之事君亦無罪衍何故使我遭此諛間去朝廷而見斥乎彼蒼者天寧不我恤使我罹此困厄感應之機又何有古今若此之不同者乎

浮雲蔽紫闥白日難回光群沙穢明珠衆草凌孤芳古來共嘆息流淚空霑裳

闥門也紫闥天子之門也明珠孤芳喻君子也群沙衆草喻小人也霑裳淚之多也○承上言白自謂也言我無辜而遠身於金殿者是浮雲之蔽乎紫闥白日難於回光以相照也蓋群諛迷惑乎聖聰君心亦為之而蠱惑矣小人衆而君子獨終必見傷是群沙穢乎明珠不得以自顯也衆草凌乎孤芳不能以獨存也邪不勝正古人所嘆我今不幸遭此諛謗

則浮雲多而白日遠矣徒然流淚之露裳又何益之有乎

其三十八

孤蘭生幽園衆草共蕪沒雖照陽春暉復悲高秋月

比也蘭香草也琴操孔子過谷中見蘭獨茂乃嘆曰蘭當為王者香今乃獨茂與草為伍乃止車援琴鼓之蓋自傷其不逢時而託辭於蘭也○此白以蘭自喻言孤蘭生於幽園之中而衆草共蕪沒之孤則無群幽則深遠衆草之多而又易於蕪沒也雖有春陽之照臨其生意之未多仍恐高秋之月又為肅殺之氣所凋傷矣以比君子之困於下位小人群然而共攻之雖蒙人君之見禮終亦不能以自安也

飛霜早浙瀝綠艷恐停歇若無清風吹香氣為誰發

霜能殺物而清風能生物者也浙瀝露濕意○承上言高秋

之時飛霜浙瀝淹浥孤蘭綠艷為之而猶歇將不久而自萎
矣若無清風之披拂則當與凡草而同腐縱有清香為誰而
發生乎是猶君子之特立忽遭群邪之謗訕自非在君之大
臣為之吹噓而洗雪之則其平生所抱負者亦終泯沒而無
聞矣安得有所顯揚乎

其三十九

登高望四海天地何漫漫霜被萬物秋風飄大荒寒殺氣落喬
木浮雲蔽層巒孤鳳鳴天倪遺聲何辛酸

賦而比也漫：遠也孤鳳喻孤臣也白白謂也倪際也天倪
天際也○舊說此詩疑為白遭亂之後而作理或然也言我
登高以望四海但見大地之間漫漫然而廣遠捐霜凋乎物
色飄風起乎大荒殺氣騰而木葉脫浮雲昏而群峯隱此皆

亂亡之氣象斯時也鳳之無朋者悲鳴于天方遺聲遠聞何
辛酸也是猶去國之孤臣不獲所偶呻吟無聊而悲怨之聲
似有不忍聞者矣

遊人悲舊國撫心亦盤桓倚劔歌所思曲終涕洟瀾

遊人亦白自謂也舊國長安之故都也撫心以手摩心蓋痛
之也盤桓不忍遽去也洟瀾言涕淚之多也○上言四海喪
亂而孤臣懷憤此言故國丘墟之傷情也我之行役來往長
安觀宗廟之陵夷念先緒之隳覆撫心內痛盤桓而不忍去
仰思我朝之盛時君明而臣良乾坤清夷庶類阜繁今不可
復見矣於是倚劔而歌舒其憤懣之氣歌曲既終不覺涕淚
之洟瀾也○按此詩必是安史陷京師之後白在流竄之際
而作舊集所載前後凡二章、首四句皆同自第五句以下

有小異此章詞意上下接續明白易曉舊本置之於次今觀前章自第五句以下意與上文不相蒙豈初本與改本之不同歟故以此章註釋其義而以前章附見于後以俟知者○登高望四海天地何漫漫霜被羣物秋風飄大荒寒榮華東逝水萬事皆波瀾白日掩組輝浮雲無定端梧桐巢燕雀枳棘棲鷓鴣且復歸去來劍歌行路難

其四十

鳳飢不啄粟所食惟琅玕焉能與群鷄刺感爭一食朝鳴崑丘樹夕飲砥柱湍

比也琅玕瓊樹之實也離騷註南方有鳥名鳳天為生樹名曰瓊枝以琅玕為實江淹詩云朝飡琅玕實刺感急意崑丘崑崙之丹丘也砥柱山在河東縣東南居河中其狀若柱天

老謂黃帝曰鳳備五色此君子之國翱翔四海過崑崙飲砥
柱濯羽弱水暮宿丹丘獨宿者孤鳳也○此白取喻之辭言
鳳為靈鳥瑞世之物也其所食者惟琅玕之實不得琅玕雖
饑亦不苟食肯與群雞切々然而爭食乎雞之所食者粟也
鳳不食粟何爭之有朝則鳴於崑丘之瓊枝夕則飲於砥柱
之清湍鳳之所食者其潔如此所處者其高如彼鳳德之盛
豈凡鳥所及哉

歸飛海路遠獨宿天霜寒幸遇王子晉結交青雲端懷恩未得
報感別空長嘆

獨宿者孤鳳也列仙傳周靈王子晉好吹笙作鳳鳴遊伊洛
間結交者言與之投好也○承上言鳳之鳴於崑丘飲於砥
柱居所生之地得遂所適之性矣今者遠遊于四海欲歸故

巢而路又遠獨宿於此而天又寒孑然無朋與誰而為侶乎
幸遇子晉吹笙相招得與結交於青雲之上情好日親庶免
獨宿之苦矣此恩之厚未及一報今當別去感激之心將何
如乎固知無以為報也不過付之長嘆而已矣○按白初至
長安賀知章薦於明皇後白流竄放回而知章已死故報德
之意終身為歉若白者可謂義士也

其四十一

朝弄紫泥海夕披丹霞裳揮手折若木拂此西日光

賦也紫泥海廣記云東方朔嘗出經年一歸母曰何以慰我
朔曰兒暫之紫泥海有紫水汚衣仍過虞淵前洗朝發中還
何云經年若木有二一云在東溟日將出時有天雞鳴于其
上一云在灰野之山日所入處此言西日者是灰野之若木

也○此亦遊仙之詩言彼仙人者朝弄於紫泥之海夕披乎丹霞之裳手折仄野之若木拂此西日之光華倏忽東西往采形迹無定在也

雲卧遊八極玉頰已千霜飄々入無倪稽首接上皇呼我遊太素玉杯賜瓊醪一食歷萬歲何用還故鄉永隨長風去天外恣飄揚

雲卧者卧於雲也猶言乘雲也八極八方之極也倪際也太素太古之淳風也列子云太素者質之始○言彼仙人者既弄紫泥之海又拂西日之光乘雲而遊乎八極其顏如玉已十歲矣入乎無窮之鄉得接上皇而受瓊醪之賜使我一飲而歷萬壽之久又何用歸於故鄉乎惟願隨長風而永逝或弄紫泥之海或拂西日之光恣意飄揚後所之也白泛言若

此未必實有此事

其四十二

搖裔雙白鷗鳴飛滄江流宜與海人狎豈伊雲鶴儔寄形宿沙月公芳戲春洲吾亦洗心者忌機從爾遊

賦也搖裔往來之不定也列于海上之人有好鷗鳥者每旦之海上從鷗鳥遊一旦易慮而鷗鳥不至故時人為之語曰海翁忌機鷗鳥不飛海翁易慮鷗鳥飛去雲鶴者仙人之所御也洗心者洗滌其心不為塵垢所污也爾指鷗鳥○言白鷗浮遊於滄江之上惟與海翁之忌機者相親而相狎豈若雲鶴之受制於人者乎是白鷗也宿沙上之月戲春洲之芳悠然而無所累予亦洗心之人於功名富貴不牽于懷亦忌機者鷗鳥必不我猜雖與之而同遊亦可也

其曰十三

周穆八荒意漢皇萬乘尊淫樂心不極雄豪安足論西海宴王母北宮邀上元

賦也列于周穆王駕八駿至赤水之上升崑崙丘觴王母於瑤也王母為之謠王和之廣記漢武帝元封元年七月七日王母降于漢宮帝敘寒暄畢王母邀上元夫人至帝拜之○此詩疑為常時好神仙而作蓋刺之也言周穆王馳八駿以周乎窮荒漢帝為天子而尊居萬乘皆富且貴矣而淫樂之心無有止極雖有雖寡之材不足數也穆王則宴王母於瑤池漢武則邀上元於北宮留意荒唐求神仙淫樂如此他無所取矣

瑤水聞遺歌玉杯竟空言靈跡成蔓草徒悲千載蒐

瑶水即瑤池也列子周穆王賓于西王母觴於瑤池之上王母為之註詩名白雲篇玉杯者漢文帝時新垣平使人持玉杯獻於闕下因言於上曰闕下有寶玉氣視之果有獻玉杯者刺曰人主延壽後竟以詐誅○此承上言謂神仙之事皆虛誕也昔者穆王宴瑤術徒聞道歌之相傳未聞實有登仙之迹也文帝得玉杯虛言人主之延壽而竟詐偽而獲罪也神仙靈迹世異事殊俱成蔓草而荒唐矣千載之下令人聞之徒傷悲耳○按玄宗尊玄元招方士好神仙而求長生白以漢文孝武之事言之假借而不敢指斥者諱之也然瑤水乃穆王一人之事上元玉杯則為漢文孝武二君矣故周得以穆王稱於漢則曰皇之則通稱無二人而言此白立言用字之有法也

其四十四

綠蘿紛歲縈繞松栢枝草木有所託歲寒尚不移柰何天
色坐嘆葑菲詩

比而興也綠蘿女蘿也歲縈盛貌詩小雅云爲與女蘿施于
松栢縈繞纏綿而延施也天少好貌詩國風云采葑采菲無
以下體葑菲根莖皆可食根則有時而美惡喻夫婦者不可
以其色之衰而棄其德之善也○此以夫婦喻君臣也言綠
蘿之生紛然歲縈繞于松栢之上相依而榮茂也松栢歷歲
寒而不凋則綠蘿之附託者亦無所改矣夫草木有所託尚能
自保如此矧吾夫婦之相配合者乎終身宜相守也柰何以
色衰而見棄是貴色而不貴德所以國風之詩有葑菲之嘆
也

王顏艷紅彩雲鬢非素絲君子恩已畢賤妾將何為

紅彩者顏色之美也雲者鬢之美也素絲白髮也君子謂夫也○此為婦者之自言我之紅顏艷如美玉我之黑髮未成素絲年少壯而貌豐盈宜君子之我愛今乃心意移而恩情畢半道睽違無復借老之顏使吾將何為乎榮之然若無所依者如之何其可也○按此詩辭意乃白之自謂也白以被召供奉翰林不久被諛而遭流竄則君恩有所未終而危疑之迹亦不能以自安也故其形於詠歌者如此

其四十五

八荒馳驚颺萬物盡凋落浮雲蔽頽陽洪波振大壑

比也驚風颺亂世萬物萬事也浮雲喻佞臣頽陽喻暮年之君洪波喻戰鬪大壑喻中國也○白詠當時之辜而取喻之

意若曰八荒之內而驚颺四馳震蕩宇宙而萬物凋殘浮雲
蔽乎頽陽而掩此西日之光洪波振乎大壑而蕩於巨區之
藪是猶安史倡亂四方崩潰奸臣罔上於暮年大難日興於
中國與彼驚颺凋物浮雲蔽日洪波振壑又何異哉

龍鳳脫網苦飄颻將安託去々乘白駒空山詠場藿

龍鳳喻君子也小雅白駒之詩曰皎々白駒食我場藿言賢
者不為我留棄白駒而去也○承上言天下喪亂如此則被
難之士無所依歸亦將引身而遠去矣此白之自謂也○按
白被黜之後遭安史之亂隱於廬山屏風疊之中此詩辭意
似乎此時之所作者也

其四十六

一百四十年國容何赫然隱々五鳳樓我々橫三川

賦也一百四十年唐自高祖武德至天寶十四年凡一百四十年也國容者國之容儀如宮室服飾之類皆是也司馬法曰國容不入軍彼以衣冠言此以宮室言也赫然盛貌五鳳樓外朝之門也開元二十三年上御五鳳樓醮宴三川者黃河與涇渭也西都賦云帶以洪河涇渭之川○此白叙國家之盛而偉富貴者多因嘆在已之不遇也言我唐之有國也自高祖武德間以至于今之開元歷年一百四十積累既久而氣勢漸盛國之容儀何其赫然而顯著耶五鳳之樓立於外朝者隱之然而深遠義之然高出於三川之上黃河涇渭環帶于前誠都會之壯觀也○按三川舊說以為河與伊洛蓋唐之東都在洛陽有伊洛而無河西都在長安有河而無伊洛此詩言西都之事故知三川為河與涇渭也河與伊洛

相去甚遠不得同謂之三川

王侯象星月賓客如雲烟鬪鷄金宮裏蹴鞠瑤臺邊舉動搖白日指揮回青天

星月附天而麗者也洪範白卿士惟月雲烟多也鬪雞明皇好鬪鷄貴戚大臣習以成俗蹴鞠者傳言黃帝所作或曰起戰國時所以練習武士搖日回天言其勢之大也○此言盛時大臣之驕奢若王若侯似乎星月羅於霄漢之上賓客紛然有若雲烟附於星月之下鬪雞於金宮蹴鞠於瑤臺一舉動也可以搖白日一指揮也可以回青天挾震主之威擅幹旋之柄當時之寵倖者勢焰若此誠可畏矣

當塗何翕忽失路長棄捐獨有楊執戟閑闕草太玄

翕忽猶翕赫盛貌楊雄也執戟者黃門之職也曹植云昔

揚子雲先朝執戟之臣耳解朝序云下傳董賢用事人附離
之者或起家至二千石時雄方草太玄有以自守泊如也○
承上言大臣接倖居當要路其勢焰之可畏者如此何翕赫
耶彼失路之人永遭擯斥置於閑地終身不蒙錄用狎暱者
日以親疎賤者日以遠人皆急者求進惟有揚子雲閉門
草玄澹然自守不求於聞達也白蓋以雄自擬而譏當時之
富貴者皆為倖進之徒○按詩意謂明皇當國家盛全之日
不能養賢用人以致小人進而君子退禍亂之幾或明於此
此意在於言表

其四十七

擬花開東園含笑誇白日偶蒙東風榮生此艷陽質

此也奄花喻當時之倖進者也東風喻君恩也○此詩刺小

人之得時也言桃李開於東園向日含笑若自誇其顏色之美者莖花豈能自美其色耶偶蒙東風之力發舒其榮華乃生此艷陽之質故穠郁而少好耳此小人之在位者以富貴驕人非有積累之勞偶蒙朝廷之寵幸得致身於榮華也○豈無佳人色但恐花不實宛轉龍火飛零落早相失

佳人色言花之美如佳人也宛轉言不久也龍火者大火心星東方蒼龍之宿也此星昏而中正以六月加於地之南方至七月則下而西流矣是秋之時也○承上言桃李蒙春風之榮生此艷陽之質有若佳人之貌美則美矣恐不能以至於結實也顧盼之間秋令戒期大火西流而涼風至雖有佳人之色已至零落而無存矣是猶小人之事君也豈無一得之可取乎但虛浮無實大節不堅未免見利忘義卒變其所

守也

詎知南山松獨立自蕭瑟

獨立不群也蕭瑟淒涼意○言桃李之榮華於春而零落於秋其易如此豈知南山之松歲寒不凋獨立而蕭瑟雖若淒涼之無朋其實孤堅而耐久非桃李之輩朝開而暮落者所可比也彼小人之怵於利害而不能自守者又為知君子有確然之操特立而不可移者乎

其四十八

秦皇按寶劔赫怒震威神逐日巡海右驅石駕滄津徵卒空九
寫作橋傷萬人

賦也按劔怒也威神即神威也江淹恨賦秦皇按劔諸侯西馳山海經夸父與日競逐海右者東海之右中國山東之地

也駕行也三齊要畧始皇作石橋欲過海觀日出處有神人能驅石下海石去不速神輒鞭之寓宇同九宇九州之土宇也○此詠始皇事也言始皇按劍一怒神威天下莫不畏服欲如夸父之逐日乃巡于東海之右驅石作橋欲渡滄波以觀日出之處徵九州之卒傷萬民之命填於巨壑而不顧也但求蓬島藥豈思農廩春力盡功不贍千載為悲辛

蓬島仙洲也在東海中始皇三十年之碣石使韓衆侯公石生之蓬萊求仙藥廩一作雇又作廩說文云九廩農衆候鳥廩民不淫者也左傳九廩為農正註云廩有九種以九廩為九農之號各隨其宜以教民事蓋以廩占四時以勸民稼穡如春廩鳩鶴夏廩竊玄秋廩竊藍冬廩竊黃堇廩竊脂之類○言秦皇之東巡但求蓬萊之仙藥以圖一己之長生非為

民也豈思農扈之春隨九農之宜教民以務稼穡者乎夫作
橋觀日求藥長生力既盡矣功無所就則日既不可觀藥又
無所得千載之下為之悲幸蓋愚而無智勞而無益未免後
人之哀也○按章末二句力盡功不贍千載為悲幸似承上
文求藥而言玩通章辭意實總承觀日求藥而斷之也但文
勢與求藥為相續耳不以句中之文而害章中之意可也

其四十九

美人出南國灼灼芙蓉姿皓齒終不發芳心空自持由来紫宮
女共妬青蛾眉

比也美人比君子也芙蓉姿貌之美者也西京雜記卓文君
臉如芙蓉陸士衡詩云巧笑發皓齒自持者能守其心而不
失者也紫宮天子之宮也○此白自述其材藝之美與不遇

之故喻之如此言有佳人出自南方其姿容之好如芙蓉之花灼々然而嬌艷是佳人也笑不苟笑而凝重以自持色美而心貞如此宜備掖庭之選以承紫宮之寵柰何宮中之女先懷疾妬之心預恐分其恩愛而阻絕之也

歸去瀟湘沚沉吟何足悲

沚渚也○言佳人見妬而無所容則將歸於瀟湘之沚其於寂寞之濱沉吟自嘆而已矣○按此詩辭意正隱居匡廬之時也

其五十

宋國梧臺東野人得燕石誇作天下珍却哂趙王璧

比也燕石燕山之石似王者也今保定府滿城出石色堅白可作環珮杯盞等用人亦謂之保定玉即此類也闕子曰宋

之愚人得燕石於梧臺之東歲之以為大寶周客聞而觀焉
掩口胡盧而笑曰此持燕石也趙王璧即和璧也事見前○
此詩刺當時之不明者君子小人混為一途取喻之意也

趙璧無緇磷燕石非真流俗多錯謬豈知玉與珉

貞正也玉比君子珉比小人○此言當時之無巨眼不辯真
偽珉玉混一莫能分別則舉措不得其宜也其明皇任用林
甫寵任國忠之時乎

其五十一

殷后亂天紀楚懷亦已昏夷羊滿中野菘菘盈高門

賦也殷后紂也天紀者五倫之綱紀也如君為臣綱而臣為
紀矣以其由於天所賦者故曰天紀即所謂天敘天秩也楚
懷楚之懷王也淮南子本經訓曰夷羊在牧許慎註云夷羊

土神也商之將亡見於商郊牧野之地離騷云蒼葦菴以盈
室兮判獨離而不服註云蒼蒺藜也葦王芻也施奈耳也皆
惡草也以喻諛佞小人高門喻朝廷也○此詩舊說白有感
於時事而作蓋借殷紂楚懷之事而言意謂商紂暴虐殺害
忠良亂君臣之大紀楚懷昏暗不分邪正失是非之本心君
德不修亂亡斯兆商之將亡則夷羊之神見於牧野楚之將
亂則惡草之生滿乎高門國之不祥而神妖草怪因以見也
比于諫而死屈平竄湘源虎口何婉嬖女須空嫵媛

史記紂愈亂不止微子數諫不聽乃與太師少師謀遂去比
干曰為人臣者不可不以死爭乃極諫紂怒曰吾聞聖人之
心有七竅信有之乎乃剖視其心婉嬖順美貌屈原事楚懷
王之甚任之上官大夫譖之王怒而踈屈原及頃襄王立遷

之江濱原乃懷石自投汨羅而死虎口喻紂之虐也女嬃屈
原姊也嬋媛註云猶牽引也廣韻云枝相連引也楚辭云女
嬃之嬋媛兮申之其詈予註云女嬃見其所行不與衆合以
見流放故來牽引數怒而詈之也○言周商紂之亂比干以
直言而見殺楚懷之昏屈原以忠憤而被竄夫比于死於虎
口虎口本非婉變其死也心安理得恬然若歸則婉變矣屈
原竄於湘源女嬃慮其過直故止之也天性懿親眷之相引
何嬋媛乎

彭咸久淪沒此意與誰論

彭咸商賢大夫諫其君不聽自投於水而死此意指上文而
言也○承上言殷楚將亡忠臣皆以直言而喪身夫忠臣為
國為君之心天理人情之至惟忠於君者為能知之彼商之

賢大夫曰彭咸者嘗諫於君而不用自甘投水而死知有君而不知有身實古之忠臣也彭咸之沒今已久矣國家雖有妖孽爭臣欲懷忠諫者將復與誰而論乎吾見其日趨於亂亡而後已也

其五十二

青春流驚湍朱明驟回薄不忍看秋蓬飄揚竟何託

比也驚湍水流之速者也回薄回旋而相薄也薄近而不遠也言春去而夏即來也秋蓬至秋而飄零也○此白自嘆其時易邁不得仕以事君也言青春之去迅若驚湍朱夏之臨忽然迫近既夏而秋蓬飄揚竟無所託景物又蕭條矣我亦何忍以觀之哉所以不忍觀者正以我之蹤跡有如飛蓬而亦莫知其所止也

光風滅蘭蕙白露洒葵藿美人不我期草木日零落

光風清明之風也蘭蕙香草也葵藿向陽之物也美人喻君也○言蘭蕙之馨香須待光風之吹噓使蘭蕙而無光風則馨香之氣亦不聞矣葵藿之向陽以無白露之凋傷使葵藿而遭白露則向陽之資亦為之虧矣是猶賢人不遇知己之君而遭小人之沮抑無由得申其忠愛之誠也君不我知歲又晚矣草木零落而景物變矣功業無聞豈不可悲也夫

其五十三

戰國何紛紛兵戈亂浮雲趙倚兩虎鬪晉為六卿分

賦也紛々亂意兩虎庶頗相如也史記趙與秦會于滹池趙王鼓瑟秦王不肯擊缶相如強秦王為一擊缶趙王歸位相如於庶頗上頗欲辱之相如引車而避曰強秦所以不敢加

兵於趙者以吾兩人在也今兩虎共鬪勢不俱生吾所以避者先國家之急而後私讎也頗聞之負荊肉袒謝罪晉六卿范氏中行氏智氏魏氏趙氏韓氏後卒滅晉而分其地號曰三晉○此言人君不能自強權移於下而成亂階也夫七雄之時列國兵爭而勢若浮雲冠履倒置而君弱臣強趙則倚兩虎之鬪以庶頗相如禦暴秦不敢加兵晉則為六卿所分范中行韓魏趙共分其地世衰道微君無獨斷之威臣懷挾主之奸是以相爭相戰無有寧靜之日紛然而不止也

姦臣欲竊位樹黨自相群果然田成子一旦殺齊君

樹立也言各自立其黨也田成子齊之大夫田常也本陳公子完之後完奔齊而為田氏至田常弑簡公而專齊政割齊安樂以東為田氏封邑至田和為諸侯遷康公於海上而齊

亡○言戰國之時君弱臣強奸臣之欲竊國者必先自立其
黨與朋謀合力以相助援羽翼既成然後肆其凶惡以行篡
逆如田成子之於齊累世專權蚕食公室及至田氏強而公
室弱矣乃一旦殺其君而竊其位是則奸臣不可任不可
久必致亂有國者可不謹之於始乎○按此詩舊說以為
作於天寶間時明皇自東都還後容謂高力士曰朕欲高居
無事悉以政事委林甫如何對曰天下大柄不可假人彼威
勢已成誰敢議之者上不悅白為此詩蓋諷之也玩其辭意
似有所指前說或得之矣但其詩之時世與其事之先後未
有所考耳

其五十四

倚劔登高臺
悠悠送春日
蒼榛殺層丘
瓊草隱深谷

比也。倚劔登臺，託言也。榛，小木叢生者。踰，小人也。層丘，踰也。廷瓊，章踰君子深谷山林也。○白見當時用非其人而禍亂將至，作此詩以閔之。言春日倚劔登乎高臺之上，悠然送目於郊原之外，但見小木之叢生者蒼然而蔽乎層丘，是猶小人之在朝者多而且穢也。其瓊草之靈秀者，青然而在於深谷，是猶君子之在野者貞而不雜也。春日登臺所見若此，未免使我觸物而感懷矣。

鳳鳥鳴西海，欲集無珍木。鸞斯得所居，蒿下盈萬族。

鳳鳥，踰君子珍木。踰，治朝鸞。斯，小鳥。踰，小人。萬族，踰衆多也。詩大雅云：梧桐生矣，于彼朝陽。鳳皇鳴矣，于彼高岡。莊子云：鸞鳩翱翔于蓬蒿之間。○言鳳為瑞世之物，非梧桐不棲，梧桐生于朝陽，而鳳皇鳴于高岡，今乃鳴於西海，而非朝陽之

地梧桐不生又無珍木之可棲鳳雖神鳥其孤遠而無託也
如此彼鸞斯之微者皆得遂其所居翱翔于蓬蒿之間生長
有萬族之衆是猶君子之有懷抱者既不得位而又斥之於
遠方小人得志而呼儔引類則盈乎朝廷之上矣

晉風曰已類窮途方慟哭

晉西晉也風者民俗之風政之所由成也晉阮籍率意遠駕
遇途窮慟哭而返○此借晉事以自喻也承上言君子退而
小人進退者無所依而進者多朋類風俗已類禍亂日萌可
為慟哭矣彼阮籍者乃至途窮而方慟哭不亦晚乎故君子
之進退正當見幾而作不可臨事而取悔吝今我之途亦窮
矣如之何而不慟哭乎

其五十五

齊瑟彈東吟秦絃弄西音慷慨動顏魄使人成荒淫彼美伶
于婉孌來相尋一笑雙白璧再歌千黃金

賦也齊在東故齊之瑟曰東吟秦在西故秦之絃曰西音絃
亦箏瑟之類也曹子建詩云秦箏箏發西氣齊瑟揚東韻白蓋
用其語而少變之耳○此言世人皆好淫聲美色而自喪其
天真以淫聲言之齊瑟作東方之吟秦箏弄西方之音慷慨
悲哀足以動人使人心醉而意移不覺流於荒淫也以美色
言之彼殊者子治容邪佞既順且美一笑可以獲雙璧再歌
可以直千金又不待乎人之有求於彼而自求乎人也夫
淫聲美色能使人喪其所守不知道者將必為其所惑矣
珍色不貴道詎惜飛光沉安識紫霞霞客瑤臺鳴素琴

色兼上文聲色而言專言色者省又也珍寶之也道即下文

所謂紫霞之術仙家修鍊之道也琴正聲之雅樂也○承上
言好齊秦之箏瑟愛婉孌之笑歌是乃珍重淫聲美色棄乎
養生之道虛度光陰者也豈識紫霞之客鳴琴瑤臺超然自
得不以聲色富貴而動其心者乎○按白之所謂道乃修養
之術老莊之道非聖賢所以修己治人者也凡詩內所謂道
者皆倣此

其五十六

越客採明珠提携出南隅清輝照海月美價傾皇都

比也越南越也明珠喻林能技藝之美清輝珠之光也傾盡
也傾皇都言盡乎皇都之內無有出其右者○此白自喻也
言明珠產於南海越客珠之携出海隅其清輝之發越與海
月而爭光是名夜光之珠無價之寶也都城之內雖曰衆寶

所萃又豈有出其右者乎彼君子之懷林抱德者有發外之
英華負天下之重望與此明珠又何異哉

獻君之按劍懷寶空長吁魚目復相哂寸心增煩紆

按劍怒也吁嘆也魚目圓睛似珠者也紆縈也勞也煩紆憂
心之煩勞也○言越客携此明珠出於海隅不敢自私將獻
於君以求重賞不意君不我顧而反按劍以相盼不惟不蒙
其賞而又欲加以罪乃懷其珠而歸不過付之長嘆彼魚目
之似珠者又將笑我徒索高價而不見售使我憂心切切縈
繞而不已也是猶君子之欲仕者求榮反辱為群邪之所笑
也○或曰詩多輕進意曰出疆載質三月無君則吊古人皆
有頓仕之心設有不遇略無怨望斯理也白或未知之耳然
說詩者不以辭害意可也

其五十七

羽族稟萬化小大各有依周亦何辜六翮掩不揮

比也羽族鳥也萬化天地生物之大也小大以鳥之大小而言也周之小鳥名掩斂也揮揚也韓子曰鳥有周之者首重而尾屈將飲于河則必顛乃銜羽而飲阮籍詩云周之尚銜羽○白有頽仕之心而無引薦之階作此詩以自嘆其意若曰彼羽族之禽鳥稟萬化之不齊小大不同而各有所託也周之小鳥亦萬化所生者獨無所託亦何罪耶以葦尔之形又掩其翮不能奮飛若無所託必至顛躓而餓死矣辟之諸臣大小承命各居其職已獨以疎遠卑末不蒙錄用以至窮困若無所依矣

頽銜衆禽翼一向黃河飛之者莫我顧嘆息將安歸

銜翼飲河註見上文黃河喻朝廷也○言周之小固不能以自飛欲飲黃河之水力恐不能至也惟願銜附衆禽之翼向河而飛或得一飲以自療其渴奈何衆禽之能飛者飄然遠舉莫肯我顧欲飲於河又不可得徒爾嘆息將安歸乎以喻在野之人願仕於朝須有力者引而進之乃可得也彼方以位驕人不能禮賢下士使我亦無所託嘆息悲傷又何歸乎○按白初隨吳筠至京師知章薦之供奉翰林可謂得所託矣猶云飛者不我顧嘆息將安歸蓋不得意於貴妃力士而終無所託也知章能薦之而不能使人君大臣必用之故發此嘆而欲歸耳

其五十八

我到巫山渚尋古登陽臺天空綵雲滅地遠清風來

賦也巫山在夔州東北七十五里有大仙廟即神女祠也襄陽耆舊傳云赤帝媿姬未行而卒葬於巫山之陽故曰巫山之女宋玉高唐賦序云楚襄王與玉遊雲夢之臺望高唐之觀其上獨有雲氣王問曰此何氣也曰所謂朝雲者先王嘗遊高唐夢一婦人曰妾巫山之女為高唐之客王因幸之去而辭曰妾在巫山之陽高丘之阻旦為朝雲暮為行雨朝之暮、陽臺之下王朝視之如言為立廟曰朝雲○此亦詠古詩也言我到於巫山之下尋訪襄王之古迹登於朝雲之陽臺昔者襄王神女會於夢思綵雲合而懽意深矣今來世友事殊綵雲已散但見清風颯然而遠來景色淒慘而可悲所謂神女者不復可得而見矣

神女知已久襄王安在哉荒淫竟淪替樵牧徒悲哀

神女朝雲也○言到巫山尋訪古迹但見綵雲滅而清風來昔之神女去已久矣而襄王之夢合於神女者又安在哉雲雨荒淫竟爾淪替徒聞樵夫牧子之悲哀慨嘆古迹之荒涼而已矣是襄王神女之事亦將為後世之所誦也

其五十九

惻々泣路岐哀々悲素絲路岐有南北素絲易變移萬事固如此人生無定期田實相傾奪賓客互盈虧

興而比也淮南子曰揚子見路岐而哭之為其可以南可以北也墨子見練絲而哭之為其可以黃可以黑也實嬰孝文皇后從兄子也田蚡孝景皇后母弟也二人皆有賓客蚡得時客皆去嬰而歸蚡後嬰與蚡爭灌夫事嬰灌皆論棄市既而蚡獲疾亦死○此詩刺世之以利交者不能相終始也言

揚朱之泣乎路岐墨翟之悲乎素絲物性可移如此人生萬事之無定又何異哉故得失榮枯變遷不一如漢之田蚡竇嬰以王室之姻竊朝廷之柄各有賓客互為盈虧而勢相傾奪竇嬰既陷死於罪田蚡亦以疾而終人非鬼責展轉相尋是世事之紛々者如岐路素絲之更變不亦可泣而可悲者乎

世途多翻覆交道方嶮巇斗酒強然諾寸心終自疑張陳竟火滅蕭朱亦星離

翻覆不定也嶮巇險也諾許辭也張陳漢張耳陳餘也餘年少父事耳相與為刎頸交後有隙據國爭權還為虎狼始相信死終至滅亡蕭朱漢蕭育與朱傳為友著聞當世長安為之語曰蕭朱結綬王貢彈冠言其相薦達也後育與傳有隙

不能終故世以交為難○此言友義之不終而變易無常也
以田實之事觀之則知世道之翻覆而交情之儉嗾雖以斗
酒而相飲終無真情之可信外貌若親而中心懷疑非誠於
處友者也故以利交者利盡則交絕以勢交者勢弱則相交
如漢之張耳陳餘初如父子終為仇敵若火之滅不復然矣
蕭育朱傳既相結綬又成嫌隙如星之散不復合也此交道
之所以難而世途翻覆多可疑也

衆鳥集榮柯窮魚守枯池嗟三失權客勤問何所規

此則比也衆鳥喻衆人趨勢者也榮柯喻有權者窮魚喻貧
賤之士枯池喻窮居也勤問勤於通問也規即窺字古字通
用律云規避亦此義也窺者言有所窺規而要求也○言自
古交遊重於勢利故天下之人皆趨於權貴之門猶衆鳥之

集於榮柯以榮柯之可以容吾身也惟貧賤之士
之地猶窮魚之守於枯池之水涸而身無所滋也嗟失失權
之人言不聽而計不行內無心膂之寄外無藩屏之託此等
之人喜不足以為福怒不足以為威雖與之絕交亦可也仍
通音問之勤果有何所求乎夫世情反覆以勢利為炎涼友
道之不立也久矣惟有識者能持一定之見不為世俗所變
移耳○按白古風詩五十九章所言者世道之治亂文辭之
純駁人物之邪正與夫遊仙之術宴飲之情意高而論博間
見而層出諷刺當乎理而可為規戒者得風人之體三百篇
以下漢魏晉以來言詩之大家數者必歸於白出於天授有
非人力所及也古風以下諸詩亦取其絲雅者繹而釋之其
非李白之作與夫似是而非者皆在所畧云